



Hospital: Retiro di Dr. Jonkhoff ta boluntario

Pagina 31

- **Reapertura
Biblioteca San
Nicolas**

Pagina 4

- **Mexico:
Riba 6.000
asesinato den
dos luna**

Pagina 6

- **UEFA a multa
Ronaldo \$22
mil pa gesto
obsceno**

Pagina 18

Aeropuerto sin director repentinamente



ORANJESTAD – Atrabes di un email manda ayera traimerdia, director di Aruba Airport Authority N.V. James Fazio a anuncia oficialmente su retiro boluntario citando motibonan personal y su deseo pa continua su carera profesional bek na Merca.

Fazio tabata na cabes di e compania gerente di Aeropuerto Internacional Reina Beatrix for di 2014 pa un periodo di 5 año; compromiso cu a keda renoba entre ambos partido na fin di 2018 pa otro 5 año mas.

E retiro aki ta bin net prome cu inicio di un di e proyectonan di mas grandi den historia di aeropuerto, cu ta su ampliacion na balor di mei

biyon Florin. Maske Pais Aruba ta propietario di aeropuerto, e decision di nombra un director nobo ta den man di Schiphol Group cu kende Gobierno a cera un acuerdo pa maneho di e empresa.



Pagina 3

‘Cifra real di debe t’ey’



Pagina 31

Bon ambiente na Museo Historico Aruba

Minister Otmar Oduber:

'Proceso di RFP mester termina e aña aki'



ORANJESTAD – Un baha mas e dump di Parkietenbos tabata na candela siman pasa for di oranen di atardi te cu oranen di anochi. Ta asina cu aña pasa gobierno a yega na un punto rasonabel cu Parkietenbos y a cera esaki dia prome di juli 2018. Bon Dia Aruba a bay tira un bista na e sitio pa asina wakico e situacion actual ta.

Ayera minister di Medio Ambiente Otmar Oduber a splica durante e conferencia di presa cu ainda tin hende cu ta subi tereno di dump y ta cende candela, e mandatario a bisa cu tanten cu no tin control completo riba e area ta dificil pa stop hende di subi riba e tereno di dump y ocasiona candela. E mandatario a bisa tambe cu e ta contento cu durante e ultimo lunanan e candela a disminui compara cu antes, ora cu candela tabata wordo ocasiona mas baha pa via di taira y otro tipo di sushi.

Minister Oduber a expresa disminui di kimamento si sushi cu pa motibo cu tin cu menos hende subiendo riba dump awendia, tambe el a comenta cu tin 80% di e sushi cu no ta bay dump mas, y esaki ta procesa den e environmental (Sushi Compac) na Sero Teishi, e ta bisa cu na e area ey tin menos trafico y menos chens pa cende candela.

Tambe el a bisa cu tin hende ta bay dump pa deposita grofvuil, matanan y otro tipo di sushi cu ta wordo deposita, te ora cu yega na e proceso final di estado publico di RFP cu ainda ta andando

E mandatario a bisa cu tin tres RFP (Request For Pro-

posal) cu ta andando actualmente pa loke ta trata e parti di incinerator, nan ta den e fase di e cantidad y nomber di e companianan cu por participa pa conoci, nan ta negociando, haciendo preguntanan, studionan y mester entrega proposicionnan na luna di mei venidero y cuminsa cu un proceso di evaluacion pa mas o menos un aña, pa despues lo evalua loke e companianan ta presenta. Despues di e proceso aki minister lo otorga e contrato di e incinerator cu lo ta funcionando.

Tambe e mandatario a duna di conoce un otro RFP a wondo cera e siman pasa y otro lo cera awe, un ta remedie Parkietenbos pa elimina e area pa no tin candela mas unabes

cu e proceso lo tuma luga. E otro RFP ta trata di un dump nobo cu nan lo yama 'Sanitary Landfill' cu no lo bay deposita sushinan cu no por ser kima, manera azeta of tipo di materialnan peligroso cu no ta bay den incinerator, pero lo haci esaki den un forma responsabel.

Minister Oduber a splica cu e proceso total lo dura entre un aña y mey pa dos aña, e pa prome parti lo bira un cambio fisico, full e proceso di e RFP lo mester termina na mita di aña aki.

Di otro banda, minister a expresa cu Serlimar na Pos Chikito ta cla caba y na luna di april venidero, nan tin prepara e upside di e center cu

tambe ta funcionando.

Di otro banda, Bon Dia Aruba tambe a yama Serlimar pa haya informacion tocante e tipo di sushi cu ta bayendo riba e dump y na unda ta bay algun desperdicio special por ehempel e desperdicio di hospital manera hangua, materialnan medico, entre otro,

pero nos no haya ningun reaccion di e departamento.

Ora e ekipo di Bon Dia Aruba a yega na e luga, a ricibi informacion cu no mag saca potret di e luga sin permiso di algun funcionario, pero e funcionario no tabata na e momentonan ey.



Minister di Finanzas, Xiomara Ruiz-Maduro: 'Cifra real di debe t'ey'

ORANJESTAD – Diahuebs mainta, durante conferencia di prensa, minister Xiomara Ruiz-Maduro (MEP) a papia tocante recuperacion financiero, y e plan pa mejoracion di economia di Aruba.

E mandatario ta bisa cu e plan pa mejoracion di economia di Aruba ta uno realistico y ta crea e confiansa di e agencianan di 'rating' (Fitch, Standard & Poor's; red.). Agregando cu e plan den Reino ta sirbi como base pa e protocol cu Hulanda. Su persona a papia cu IMF, pa asina evalua e parti financiero y economico y pa asina nan duna un bista con nan ta mira e situacion di Aruba.

Segun Ruiz-Maduro ta indica, e ta mirando un movecion positivo pa Aruba. "E movecion ta positivo pa gobierno su plan. Presupuesto a sali cu un anticipacion prudente di 1% di crecimiento economico." E confiansa pa loke ta consumidor, comerciante, riba esey Banco Central a reporta algun dia pasa den su survey cu den ultimo kwartaal di 2018 e consumidor ta mustrando mas confiansa den estado di economia, segun e minister.

Sinembargo, el a menciona cu mas inversion y recuperacion di economia ta importante pa e pais, pa asina por traha riba credibilidad financiero, pa motibo cu esey ta blokia economia pa sigui desaroya. "Importante sigur ta pa atende cu IMF; pa sinta atrobe cu nan pa mira kico nan ta haya, y ki recomendacion nan tin den e parti aki."

Pa e motibo aki, Ruiz-Maduro a papia cu entidad internacional tocante evaluacion di nos economia; nan a obtene e cifranan nobo di cuenta nacional di Aruba. El a agrega cu Oficina Central di Estadistica (CBS) a duna e cifranan di cuenta anual di 2013 te cu 2017. Pa fin di aña lo tin e cuenta anual di 2018.

Den un grafico, e mandatario a presenta e cifra real di crecimiento economico y e diferencia cu e

pronostico cu tabatin. "Nos por tin un bista awor kico a haci cu economia di Aruba for di 2013 te cu 2017."

Den su splicacion el a atende tambe e aspecto di debe. GDP di pais Aruba a crece y a pone cu e 'ratio' (debe compara cu GDP; red.) ta cambia. En bes di esaki di ta 86%, e ta bira 76%. Por splica kico a sucede ey y con e ta awor.

Segun e mandatario, no ta manera ta ser bisa cu e 'debe a desaparece', cu nada no a pasa y cu tur cosa bon. Ruiz-Maduro a aclara cu e debe t'ey y no a desaparece di e cuenta nacional. "E ta existi y ta real, nos ta tratando esey. Un 230 miyon di interes riba loke ta yama e 'megadebe' cu nan a traha, nos ta trata esey, y no ta trata di 270 miyon di cual ta bisa cu ta rancando esey di pueblo."

Ruiz-Maduro a bisa cu cifranan ta mustra e redoblacion di debe cu gobierno anterior a causa. Di otro banda tin e balor agrega a base di crecimiento economico cu a aumenta e GDP, cu segun Ruiz-Maduro a subi danki na turismo cu a subi y na importacion cu a baha.

Segun e mandatario ta bisa, cu ora importacion a baha ta pasobra cu internamente no ta consumi suficiente. E cifra ta demostra cu locual no tabata inversion di gobierno a logra cu GDP a subi, el a crece cu 3.1%.

"E debe a crece cu 8.3% compara cu economia cu 3.1%, locual ta nifica cu debe a subi mas cu locual economia a crece. A crea un situacion unda a endeuda e pais."

E mandatario a bisa cu e crecimiento fuerte di GDP na 2015 tin relacion cu WEB, unda a hisa prijs cu 14% na october 2014. Na 2015 esaki a causa un aumento grandi den omzet di WEB, cu a keda refleja den nos GDP. Pero e placa no a keda eynan.

Segun e mandatario, e placa, e balor agrega na 2015



cu a produci na WEB, no a yega na pueblo. MEP a ocasiona 721 miyon di debe, pero di tur debe cu tin, e partido cu tabata den gobierno anterior a causa casi tres bieha esey.

Ruiz-Maduro a bisa cu na 76% di debe compara cu GDP, ainda tin crisis. "Nos mester bao di 55% di debe. Si gobierno anterior a fia 1 biyon, e cifra di debe lo ta 54%, anto no lo mester supervision financiero ni crisisheffing. Nada, pasobra turismo a keda pusha. Pero lamentablemente a traha debe, a bin cambio di gobernacion, pero e debe no a desparce."

E mandatario a bisa cu depende di turismo so ta un situacion di riesgo. Recomendabel ta pa tin dos pilar y awor ta uno tin. Riba debe haci tin cu paga na 2019, 230 miyon di interes. "E reforma fiscal ta bayendo na paso chikito pa por haya balansa y rosa. E minister ta mantene confiansa cu gradualmente por atende cu e debe, cu no a kita."

Ministerio Publico y Universidad di Aruba a firma Covenant

ORANJESTAD – Recientemente Ministerio Publico y Universidad di Aruba a firma un convenant tocante stagiairenan.

Procurador General Alexander van Dam y mr. dr. Ruth Bonnevalle-Kok, wetenschappelijk hoofd-medewerker Straf-en Strafprocesrecht na Universidad di Aruba, a firma e convenant aki.

Cu e convenant aki a haci afspraaknan tocante coremento di stage na Ministerio Publico y tanto Universidad di Aruba como Ministerio Publico ta look forward na esaki.

E acuerdo di cooperacion entre Ministerio Publico y Universidad di Aruba tin como meta pa reforsa e relevancia di enseñanza y investigacion pa nos comunidad.

E ta crea oportunidad pa studian-ten excelente di Universidad di Aruba.



Reapertura di filial di Biblioteca Nacional na San Nicolas



ORANJESTAD – Diaran son anochi a tuma luga e reapertura di Biblioteca Nacional Aruba (BNA) su filial na San Nicolas. Despues di un inversion di casi 1.6 miyon florin, y un trabou cu a dura mas cu un aña y mey, e localidad aki a bolbe haya su splendor pa sigui brinda su servicio, specialmente pa e comunidad di pariba di brug. Un aspecto cu a duna un toke special na e reapertura aki tabata cu finalmente e edificio aki tin un lift nobo, cu si ta traha.

E acto aki a conta cu presencia di prome minister, Evelyn Wever-Croes, Vice President di Parlamento, Alan How-

ell; minister di Educacion, Ciencia y Desaroyo Sostenible, Armando Rudy Lampe y sra.; parlamentarian Rocco Tjon y Endy Croes. Tambe tabata presente e director di BNA, Astrid Britten y personal di biblioteca, kendenan tabata masha entusiasma cu e acontecimiento aki; y invitacion special.

E hecho aki a bira un oportunidad pa bay bek den pasado y determina e rol importante cu biblioteca tabata hunga e tempo aya, como centro y fuente di informacion y investigacion. Avenida, esaki a mengua hopi debi na e impacto di e era digital y e accesibilidad di informacion via internet.

Historia

Den su discurso, Britten a indica cu na augustus 1951, ya caba tabatin autorisacion di Gobierno pa un filial na San Nicolas, cu e tempo ey tabatin un concentracion di hende mas grandi di e isla. Na cuminsamento di añanan cincuenta tabatin casi dos bes mas tanto hende ta biba na San Nicolas cu na Playa, esta 20.664 contra 11.670. Sinembargo, trabou di biblioteca tabata concentra na Playa.

A wordo pidi na Gezagheber pa pone na disposicion un espacio adecua. Tantan, como solucion di emergencia, e miembronan di pariba di brug, pa compensa por a bay cu un cantidad dobel di buki for di Oranjestad. For di 1 di september 1951, ta e dia cu e filial San Nicolas a habri. Eseyan no ta parce circunstancianan ideal pa laga un biblioteca florece. Dia 18 di april 1952, cu poco interes, Inspector di enseñansa dr. W.J. Goslinga ta habri e filial na San Nicolas cu tabata situa na van Speykstraat. Es-

aki a sosode den presencia di Gezagheber mr. PG. Hooghoudt, B. Teagle di Lago, Inspector di enseñansa G. Kok y algun cabesante di scol.

Na 1959, e biblioteca di San Nicolas a muda pa oficina auxiliar di Gobierno na Sint Maartenstraat. Diaranson, 25 di september 1959, e mudamiento ta tuma luga y dia 1 di decembre 1959 ta habri e alohamento nobo oficialmente. E apertura aki ta simbolisa emancipacion di San Nicolas. E habitantenan mesora ta muestra hopi interes, awor cu e orario pa fiamento di buki a wordo amplia tambe.

E filial na San Nicolas, na e dos piso di Oficina di Gobernacion Auxiliar, no tabata cumpli for di hopi tempo cu e exigencianan. Pero lo dura te prome di september 1989 prome cu inauguracion di sucursal San Nicolas na Peter Stuyvesantstraat 16 tuma luga. E inauguracion a tuma luga den silencio, pasobra no tabatin placa pa fiesta!

E prome renobacion di nos

edificio na Peter Stuyvesantstraat a tuma luga na aña 2007, pero tabata dia 3 di decembre di aña 2009 cu a haci re-apertura di nos sucursal na San Nicolas. Diahuebs ultimo, despues di casi 10 aña, un bes mas a wordo efectua reapertura di BNA su edificio na Peter Stuyvesantstraat 16, na San Nicolas.

Britten a menciona parlamentario Howell, kende tabata e motor y kende a pusha pa e proyecto por a wordo realisa. Tambe na minister Lampe y tur otronan cu tabata catalisado den e proceso aki. Igualmente, na tur tradidonan di BNA y muy specialmente na e team di e filial na San Nicolas. Na final, el a expresa palabra di danki den direccion di e miembro di prensa, Hilario Doncker, kende ta un persona cu semper ta interesa y preocupacion pa e bon desaroyo di su distrito di San Nicolas. Tambe e tabatin palabra di pabien pa henter comunidad di San Nicolas y bisindario y pueblo di Aruba en general.

Pa garantisa siguridad di alimentacion den futuro

Ta inclui plantamento den curriculum di enseñansa

ORANJESTAD – Pa prome baha, departamento di agricultura, cria y pesca, conoci popularmente como Santa Rosa, ta organiza un concurso specialmente pa muchanan di scol basico, pa stimula nan for di hoben riba e parti di conscientisacion di produccion di alimento, den conexion cu Dia di Tera.

E proyecto aki lo consisti di bin cu un hofi na scol basico, pa e muchanan bin cu nan propio cosecha. E por ta plantacion di mata di fruta of matanan local, pa asina nan reconoce importancia

di nos matanan tipico. Nan kier haya un feedback for di e muchanan mes rond di e proyecto aki. Pero tambe nan kier involucra e mayornan di e muchanan den esaki.

Plantacion den curriculum

Minister encarga cu e sector primario di agricultura, cria y pesca, Chris Romero, ta haya

cu tipo di proyecto asina ta yuda conscientisa nos futuro generacion riba importancia di sostenibilidad alimenticio.

“Aunke Aruba ta un isla chikitito y no tin hopi tereno, pero si nos kier yega na mesun siguridad di alimentacion,” el

a bisa.

P’ese y ta considera e proyecto aki uno masha special, basa riba importancia cu nan por lanta cerca nos hobennan tocate siguridad di alimento. El a laga sa cu hunto cu su colega di enseñansa, nan idea ta di trece esaki den curriculum di nos enseñansa.

El a trece como ehempel e hecho cu Venezuela a cera su frontera, y esaki a trece cierto problema pa nos por haya cierto productonan, como fruta y berdura. A base di esaki, su ministerio a cuminsa plania, kico por haci pa den futuro pa nos por ta mas miho prepara pa cualquier tipo di eventualidad cu por afecta e suministro di alimento for di exterior.

Santa Rosa

Director di Santa Rosa, Nathaly Maduro a declara cu semper nan tin nan ‘open dag’ pa celebra Dia di Tera. Pero e baha aki, nan kier bin cu un proyecto distinto. Aruba ta un isla dependiente riba importacion di cuminda. Esaki ta haci cu nos tin un situacion riba siguridad di cuminda. Cu e proyecto aki, nan

kier haya for di e muchanan, kico nan ta mira den nan area di plantacion na scol.

“Con via nan wowonan nos por implementa un proyecto piloto cu nos tin e garantia cu e ta bay ta exitoso,” segun Maduro.

Pa e motibo ey, Santa Rosa a bin cu e idea pa crea un hofi den cada scol. E ta haya cu e bunita di e proyecto aki ta cu e lo bay bira un proyecto di tur aña.

E ta kere cu na momento cu e muchanan di scol basico, cu lo participa den e proyecto aki, nan por logra conscientisa riba importancia di produccion di caminda, nan ta bay comparti cu nan mayornan kico nan a siña na scol. Esaki ta haci cu e mayornan por wordo involucra y interesa den dje.

Pa Santa Rosa e proyecto aki por trece un resultado positivo a largo plaso. Talbes un di e muchanan aki, ora cu nan ta bay na educacion avansa, nan lo kies un estudio cu tin di haber cu produccion di cuminda. “Aworaki e ta hopi limita ainda!,” el a expresa. Asina den futuro nos por tin mas

profesional den e ramo aki.

Proyecto

Jennifer Gamez, kende ta e coordinador di proyecto na Santa Rosa, ta bay acerca diferente scol basico pa wak cual di nan ta interesa den e proyecto di un hofi na scol. Igualmente, e scol interesa por tuma contacto directamente via tel: 585-8102 y puntra libremente pa Jennifer Diana.

E concurso ta consisti cu Santa Rosa ta formula cuater pregunta pa e muchanan. Un di nan ta por ehempel: kico ta nifica pa nan Dia di Tera? Pero tambe con nan kier pa bira e hofi di nan scol, ya sea cu matanan local, fruta, berdura, etc.

Un pregunta esencial tin di haber, con nan lo bay cuida e hofi, cual ta exigi un planificacion. Despues nan mester traha un resumen di nan experiencia, ya sea den conhuento of individual. Ta keda na scol mes pa entrega esaki na Santa Rosa. Lo tin un hurado cu lo kies e ganado. Esaki nan lo haci'e pa Dia di Tera.



Editor
 Caribbean Speed Printers N.V.
 Aruba Bank N.V. Acc. #332668
 Caribbean Mercantile Bank N.V.
 Acc. #23951903
 RBC Royal Bank Acc. #1330772

Ass. Dir. Ehecutivo

Xiomara Arends

Redaccion Ehecutivo

Leo Maduro (hefe de redaccion)

Nicola Gonzalez(redactor ehecutivo)

Pilar Flores (redactor ehecutivo)

Redaccion
 Benjamin Romero
 Kenna Hernandez
 Andreina Morillo
Departamento Digital

Cristian Soto Garcia

Ehecutivo di Benta

Sulaika Croes

email: sulaika.croes@cspnv.com

Linda Reijnders

Aviso y Arte
 Sandra Loefstop
 Lisa Tromp
 Shannon Geerman
Administracion
 Mariette Engelhart
 Martha Arteta de Ariza
 email: accounting@bondia.com
Distribucion

Jenny Kelly

Recepcionista

Rachelle Danje

Coleccion

Evelinda de Cuba - Tromp

Pre Press
 Luis Fernando Arenas (Hefe)
 Pablo Libre
Press
 Roland Schenker (Hefe)
 Omar Ramirez
 Martin Boekhoudt
 Francis Dirksz
Colaboracion
 Yakari Gabriel
 Associated Press
 Ret Karibense
 Upload Media Aruba
AfiliacionSociedad Interamerica
di Prensa (SIP)**DIRECCION**
 Adres: Weststraat #22
 Tel: 582-7800 / Fax: 582-7044
 Email: noticia@bondia.com
 aviso@bondia.com
 Website: www.bondia.com
 Facebook: @bondianoticia
 Instagram:bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Editorial

BON TRANSPORTE PUBLICO... *Ta exigi pensamento innovativo...*

Nos transporte publico no ta duna servicio satisfactorio. Un conclusion fuerte cu sin embargo no tin nada di haci cu e esfierso di esnan cu ta traha den e sector aki; no ta trata di esey. E tin di haci cu algun factor cu ta haci hopi dificil pa nos tin un sistema di transporte publico satisfactorio na cualquier momento den futuro tampoco. Y esey ta lastima, pasobra bon transporte en general ta hopi importante pa nos economia. Esey nos por ripara den e temporada aki, cu varios caminda cera cu ta ader mayor di nos sistema vial. Un tema bastante cayente na e momento aki, cu obstaculo pa trafico tur caminda, cu diferente rotonde cera, tur cos cu e speransa cu ora e caminda nobo, e 'ringweg' keda cla, e por haci un diferencia considerable den trafico. Esey ta di spera tambe, pasobra si nos tuma na cuenta e retraso cu diesmiles di hende tin actualmente pa yega trabao y despues pa yega cas atrobe, nos ta yega na un daño economico bastante grandi. Imagina 40.000 hende cu ta perde un ora pa dia cu trafico. Pa siman esey ta 200.000 ora, pa año 52 x 200.000 = 10.400.000 ora. Un año/persona di trabao ta 40 x 52 = 2080 ora. Esey ta duna nos un total di 5.000 año/persona di trabao perdi... pa e obstaculonan actual solamente. Tempo costoso cu ta bay perdi pa trabao, menos productividad, o pa tempo cu famia, cu ta 'priceless'. Esaki ta casi 10% di nos actual forsa laboral disponible. Esaki ta duna nos un impresion di con importante bon infrastructura ta pa nos economia.

Pero crea bon infrastructura di transporte ta exigi mas. Pasobra casi tur di nos tin transporte individual nos no ta pone tanto atencion riba transporte publico. Ta facil pa pensa cu tur hende tin un auto, y sigur riba un isla chikito cu un poblacion grandi pa su tamaño, probablemente nos ta den e top 10 di mundo mas motorisa. Un bista den Wikipedia ta duna nos en berdad un lista, lidera pa San Marino, cu 1.263 vehiculo pa cada 1.000 habitante. Aruba cu, ban bisa 80.000 vehiculo riba 110.000 habitante, lo tin anto 727 vehiculo pa cada 1.000 habitante, poniendo nos en berdad net den e top 10 di mundo. Algo pa ta orguyoso? No necesariamente. Nos tin un cantidad grandi di vehiculo cu ta core, practicamente tur cu un solo persona aden? Eficiente? No, hasta por bisa un desperdicio enorme di recurso financiero y material, pa no papia mes di e contaminacion ambiental, cu no ta preocupa nos tanto, pasobra biento ta hiba tur cos

pa Colombia, berdad?

Ademas, ainda ta keda suficiente hende cu ta depende di otro transporte pa nan yega trabao tur dia. Y como cu nos tin nos poblacion plama riba un superficie asina grandi, ta bira dificil pa organisa un sistema di transporte publico pagable. Ta imposible pa crea un red di linea di bus cu ta brinda tur habitante un posibilidad di subi den un bus na un distancia razonable di nan cas. Ademas cu e frecuencia cu cual e busnan actual ta pasa, no ta lago di gaba. Aunque mester bisa si cu e idea di e busnan chikito ta trece un cierto alivio den esaki. Pero cu tur esaki e asunto no a keda resolvi. Y esey na su turno a duna bida na loke nos por yama e 'Uber version Aruba': e taxi ilegal cu ta busca y hiba hende riba e rutanan incoriente pa percura pa hende por yega na unda nan mester yega, sin cu nan mester tin un vehiculo.

Naturalmente mayoria di nos lo bisa cu nos simplemente no mester permiti e taxi ilegal. Ta berdad cu e ta contra ley y ademas no ta cumpli di rekisito manera seguro pa e pasajeronan, cu ta exponi na riesgo cu no tin cobertura. Pero, prohibi y trata di kita e taxinan aki di caminda ta resolve e problema? Ta facil pa bisa cu nan mester tuma transporte publico oficial pero esey ta resolve nan problema? E rutanan normal no ta cubri tur area y ta laga hopi hende sin un alternativa, y pa nan tambe presenta na trabao ta algo primordial. Kico por ta e solucion anto?

Nos ta kere cu ta bira tempo pa cuminsa pensa 'outside the box'. Nos tin un situacion unico aki cu no ta cuadra cu e situacion normal di un ciudad tradicional, unda normalmente 110.000 habitante lo ta biba den un cuarto parti di loke nos tin 'urbanisa' na Aruba. Ta posible anto pa crea un tipo di permiso pa vehiculo di transporte publico cu no ta mara na un ruta fiho? Cu por comunica cu su clientenan via celular manera ta sucede caba, y ta palabra cu nan ki ora e ta pasa busca nan. Asina awendia hopi hende ta resolviendo nan problema di transporte caba, y cu ta proba di ta di vital importancia pa hende cu mester bay di un lugar pa otro unda no tin linea di bus disponible. Nos lo ta creando nos propio version di un 'Uber' legal cu ta sirbi e proposito cu nos mester. Pa situacion special, solucion special.

Argentina: Hues a expone supuesto red di spion y funcionario

BUENOS AIRES (El Nuevo Herald) – Un hues federal Argentino a expone na Congreso un supuesto red di extorsion cu lo implica funcionarionan judicial y gubernamental, y cu lo por converti den un piedra den sapato di presidente Mauricio Macri.

Alejo Ramos Padilla, hues federal di e ciudad di Dolores na e provincia di Buenos Aires, a presenta na e comision di Inteligencia di Congreso pa expone e supuesto red di spionahe ilegal cu a ser descubri despues cu un empresario a bisa cu e tabata victimas di extorsion, pa via di un orden di e mesun fiscal cu ta investiga e ex-presidente Cristina Fernández (2007-2015) pa supuesto corupcion.

E reunion di e hues Ramos Padilla cu e legisladonan a

ser celebra cu porta cera. E autoridadnan di e comision a indica cu lo escucha durante e tempo cu mester y despues nan lo realisa varios pregunta.

E hues a comparece dianan pasa dilanti di un comision di diputado, pa papia riba e supuesto extorsion economico cu a ser realisa na un empresario pa Marcelo D'Alessio, un supuesto abogado cu tabata bisa cu el a actua den nomber di e fiscal Carlos Stornelli, pa no lo involucr'e den e causa riba corupcion, cu tin como obheto principal e ex-mandatario.

E magistrado a bisa cu ta trata di un parti "chikito" di un "red di spionahe judicial di magnitud" cu tambe por afecta e relacionnan di Argentina cu paisnan den exterior.



DR. RAMOS PADILLA
JUEZ FEDERAL DE DOLORES

Pero gobiernu ta considera cu e hues ta busca susa e nomber di e fiscal Stornelli,

y aleha for di e causa den cual ta procesa Fernandez como lider presunto di un schema

di concesion di obranan publico a cambio di soborno durante su gestion.

Colombia ta busca militar Venezolano acusa di coordina envio di droga pa diferente pais

BOGOTA (Infobae) – Autoridadnan Colombiano na e zona di frontera ta tras e pista di un general di Ejercito di Venezuela, cu lo ta e enlace di un red criminal cu tabata opera na Catatumbo pa trafica droga pa Merca, Mexico, Guatemala y Honduras desde pista clandestino di e pais bisiña.

E siman aki, e Fiscalia a desmantela un red di narcotraficante cu na februari di 2017 y september di 2018, a manda pa Honduras mas di cinco tonelada di cocaína Colombiano desde Venezuela, unda e droga tabata ricibi pa un mili-



tar di rango halto di e pais ey, ken ademas tabata coordina e produccion na e territorio nacional.

E operativo den e cual a ser captura shete persona ta e

resultado di dos año di investigacion di e Fiscalia y e Polis Nacional, despues cu e autoridadnan Hondureño a alerta riba tres barco cu droga Colombiano cu a ser destrui pa nan y otro cu a keda acci-

denta na su territorio pa via di sobre peso.

Dia 14 di september di 2018, entre e ciudad Hondureño di El Progreso y San Pedro Sula, a ser captura dos persona cu

tabata forma parti di e red, kende na e momento tabata transporta 464 kilo di cocaína na un truck tipo grua.

Despues di haci siguimiento pa e banda criminal, autoridadnan Colombiano a logra establece cu e cocaína tabata procesa na laboratorio propio ubica na La Gabarra, zona rural di Tibu, un di e municipio di Catatumbo, departamento di frontera di Norte di Santander.

E droga a ser saca riba camindanan ilegal ora e general Venezolano a ricibi pa embarca nan via Centro America.

Mexico tin su año mas violento cu mas di 6.000 asesinato den dos luna

CIUDAD DE MEXICO (Infobae) – E prome dos luna di 2019 a converti den e inicio di e año mas violento na Mexico desde cu tin registro, cu casi seis mil asesinato na e pais.

Di acuerdo cu informacion, entre januari y februari 5,803 persona a wordo asesina na Mexico. E cifra a aumenta 13% den comparacion cu e mesun periodo na 2018, tempo cu ya caba a regista un cifra record.

Segun dato di e Secretariado Ejecutivo di Sistema Nacional di Seguridad Publica



(SESNP), di e tres luna cu tin e administracion di Andrés Manuel López Obrador, februari tabata e mas violento y ademas, a converti den e luna di cu mas asesinato den 21 año.

Di e 5,803 persona asesina na januari y februari di 2019, 5,649 tabata victimas di homicidio doloso y 154 victimas di feminicidio.

E informacion di SESNP no tin concordancia cu e informacion cu e gobierno a presenta, nan a reporta menos asesinato. Segun e 'Informe di Seguridad' di e govi-

erno federal, na e prome dos luna tabatin 4,622 victimas di homicidio doloso y e promedio pa dia tabata di 75 caso na januari y 83.1 caso na febrero.

Den e informacion cu e Secretaria di Seguridad Ciudadana di e gobierno federal a presenta a sigura cu e promedio pa dia di homicidio a baha, pero entre januari y noviembre di 2018, e promedio di homicidio tabata di 91.2 caso, den e tres prome luna di e actual administracion e promedio tabata di 94.7 caso pa dia.

Brasil: Ex-presidente Michel Temer arresta pa corpcion



RIO DE JANEIRO
(Infobae/G-1) - Polis Federal Brasileño a arresta ayera ex-presidente

Michel Temer (2016-2018) pa un caso vincula cu Lava Jato, manera e operacion mas grandi di combate

di corpcion den historia di Brasil ta conoci, y cu a trece na luz di dia un gigantesco scandal di desvio financiero di e empresa estatal etrolero Petrobras. Ta trata di e di dos ex-presidente cu ta bay cera pa motibo di corpcion, despues di Lula da Silva.

E detencion di Temer a ser ordena pa hues federal di Rio de Janeiro, Marcelo Bretas, cu tambe a solicita arresto di ex-ministro Wellington Moreira Franco, un importante colaborador di e ex-presidente y su colega di partido Movimento Democratico Brasileño

(MDB).

Fiscalia a solicita dos biaha na Corte Supremo pa habri huicio penal pa corpcion contra Temer, pero Congreso a nenga di autorisa e procedimento, ya cu e casonan contra Temer tabata depende di e perdida di su inmunidad politico, cu na fin di su mandato a bira un hecho.

E detencion ta relaciona cu supuesto irregularidad den contratonan firma pa empresan ya condena den caso di Lava Jato y di Eletronuclear, e empresa estatal cu ta opera e plantanan nuclear di e pais.

Segun e denuncia e empresan cu a haya contrato cu Eletronuclear a paga soborno pa faborece dirigentenan di MDB, cu pa hopi aña tabata controla tur empresa estatal den sector di energia electrico. Tal contratonan sospechoso a ser firma na 2016 tempo cu Temer tabata presidente di Brasil.

E denuncia a bin di e propietario di e empresa Engevix, Jose Antunes Sobrinho, cu a acepta colabora cu husticia delatano su complican den diferente caso, a cambio di reduccion di castigo.

Haiti: Senador Marco Rubio ta discuti crisis cu presidente Moise

PORT AU PRINCE (Reuters) - Senador Mericano di Florida, Marco Rubio, a reunid diarason pasa na Port-au-Prince cu presidente Haitiano Jovenel Moise y miembran di parlamento Haitiano tocante formacion di un gabinete nobo, despues cu parlamento a destitui prome ministro Jean Henry Ceant e siman aki.

E politico republicano a yega na e capital Haitiano despues di protestanan masal na henter e pais y un crisis politico resultando den e retiro di prome ministro Ceant den parlamento dialuna pasa. Haiti tabatin varios prome ministro den ultimo añanan cu presidente Moise na cabes di e nacion.

Rubio a bisa riba Twitter cu el a discuti formacion di un gobierno nobo cu Gary Bodeau, presidente di Camara di Diputado, y cu Carl Cantave, presidentedi Senado. Ceant a bira prome ministro den pleno crisis na sep-

tember 2018 cu miles di manifestante riba caya den e nacion mas pober di e continente. Protestanan nobo desde 7 di februari ultimo ta exigi pa Moise baha como presidente tambe, pa motibo di inflacion creciente, valor di moneda bayendo atras y e scandal encuento e fondonan malversa di subsidio di Petrocariibe.

Ceant, tambe acusa di responsabilidad pa e situacion economico, ta insisti cu e retiro den Camara di Representante ta contra constitucion y cu e ta hefe di governo ainda. Moise a laga sa riba Twitter cu el a papia cu Rubio tocante seguridad y eleccion parlamentario nobo.

Rubio ta presidi e Subcomision di e Comision di Senado pa Relacion exterior, pa Hemisferio Occidental, Crimen Transnacional Crime, Seguridad Civil, Democracia, Derecho Humanoy Asunto Global di Hende Muhe.

Su bishita tabata prome cu

Moise y otro cuatro lider di Caribe topa awe, diabierna,

cu presidente Donald Trump na Florida, pa discuti crisis

politico na Venezuela y expansion comercial di China.



AWE

MINI MEGA

MEGA PLUS

Cumpra bo Mini Mega y cu Afl. 2,- mas, bo por gana e jackpot di

Afl.

850.000,-

Con?

Afl. 5

Afl. 625.000,-

+ Extra!

Afl. 225.000,-

www.lottoaruba.com

lotto

Pa mas informacion yama 525-7555 of bishita nos website lottoaruba.com

Dos Rifle Kalashnikovs mas 300 kilo di cocaína haya den van na Breda



BREDA – Polisnan na Breda a haya 300 kilo di cocaína y cinco arma di candela, incluyendo dos rifle Kalashnikov, den un van di delivery cu a caba di drenta Hulanda di Bel-gica.

E droga tabata scondi den 14 tas di sport den un compartimento secreto den e van. E chauffeur cu ta un homber di 38 año di edad a wordo arresta y a keda den custodia di polis.

E detencion a siman pasa pero a keda publica diaran-son. Un buskeda na e cas di e sospechos a mostra cu tele-fonnan celular, un mashin pa conta placa y varios laptop.

E cantidad di placa tambe a keda confisca den razzia na un otro propiedad na Oud-Gastel, esaki ta locual departamento di ministerio publi-co a bisa.

Partido Movementu di Pueblo Boneriano (MPB) a gana eleccion na Boneiro

KRALENDIJK.- Pueblo di Boneiro a bay eleccion di aranson 20 di maart. E resultadonan final a drenta hopi laat compara cu elec-cionnan den pasado riba e isla. E partido Movemen-tu di Pueblo Boneriano (MPB) cu e lider Elvis Tjin Asjoe a gana eleccion, sigui pa Partido Demo-cratico Boneriano (PDB) y na di tres luga Union Pa-triotico Boneriano (UPB).

E eleccion a caba bon aunke for di tempran por a tende e reclamo cu ta tarda hopi pa hendenan vota. E situacion ey a sigui desaroya di manera cu den oranan laat di anochi urnanan no por a cera na e

ora custumbra debi cu te laat tabatin hopi hende den rey pa vota. For di e resultado di e prome urnanan cu a drenta despues di conteo por a nota cu MPB y PDB tabata den un bataya basta fuerte. A caba di conta voto despues di 5'or di marduga.

E resultado ta cu MPB a logra 3576 voto cu ta representa algo mas cu 40% di e total di votonan. Partido PDB, cu e lider Clark Abraham, a logra 2130 voto cu ta representa alrededor di 23% y na di tres luga a keda UPB cu e lider James Kroon cu 1798 voto. E lista Era Nobo ni e parti-do nobo di Robby Beukens-boom, eks dirigente di PDB,

Santana, Union pa Pueblo, FSP y Susy no a logra asiento. Pues e 9 asientonan cu Con-seho Insular di Boneiro tin a keda reparti 4 pa MPB, 3 pa PDB y 2 asiento pa UPB.

Eleccion SABA

Saba tambe como otro dje is-lanan cu ta parti di BES, tabatin eleccion ayera. Cuater organision a bay eleccion y e resultado ta lo siguiente. WIPM cu e lider R. Wilson a logra 779 voto, SLP cu e lider M. Wilson a logra 123 voto, Blank List (UPM) a logra 80 voto y Dave Levenstone a logra 80 voto. Esaki ta nifica cu tur 5 asiento den Con-seho Insular di Saba a bay pa WIPM.



Camara di Comercio y industria a firma MoU cu camara di Panama

WILLEMSTAD – E Ca-mara di Comercio y Indus-tria di Corsou a firma un

MoU riba diamars ultimo cu un organisacion her-mana e Camara di com-

ercio, industria y Agricul-tura di Panama.

Ademas di e cooperacion mutuo y e intercambio di informacion riba diferente

front, e hilo conductor di MOU reciprocidad.

Na Corsou, e empresanan Panameño por conta cu e fa-cilitacion y recepcion di e Ca-mara, pero tambe ta spera lo contrario di Camara di Com-ercio di Panama pa e doñonan di negoshinan di Corsou.

Varios evento ta disponibel pa e doñonan di negoshinan na Corsou, particularmente esunnan cu ta interesa den e mercadonan internacional.

E eventonan di Camara di Comercio ta wordo comparti traves di e rednan social pa comparti oportunidadnan di negoshinan na ambos pais cu doñonan di negoshi.

E MoU di entendimento a wordo firma pa e presidente si Camara di comercio y in-dustria di Corsou Willem (Billy) Jonckheer y e direc-tor di Camara di comercio y industria y Agricultura di Panama Rafael Zuñiga Brid.



OM: Tirado
di Utrecht
tabatin
intencionnan
terorista

UTRECHT – E homber cu a wordo arresta en relacion cu e tiroteo di tram cu a tuma luga na Utrecht dialuna matando tres persona ta bou investigacion pa asesinato y intento di asesinato cu intencion terorista, esaki ta locual Ministerio Publico a bisa.

Gökmen Tanis di 37 aña a wordo arresta durante oranan di anochi di e atake y lo aparece dilanti corte awe pa un audiencia di detencion preventivo.

E investigacion ainda ta andando y ainda no a establece un relacion entre e sospechoso y e victimanan, e departamento di Ministerio Publico a confirma. Tampoco no tin evidencia cu Tanis a recibido ayuda di ningun persona.

E investigacion ta buscando si e sospechoso a actua su so of si su accionnan ta debi na problemanan personal combina cu pensamentonan di racista, e comunicado a bisa.

Tanis tin un historia di delitionan menor y a caba di sali di prizon wardando un huicio pa violacion menos cu tres siman prome cu e tiroteo.

E segundo persona cu ainda ta permanece den custodia en relacion cu e atake por tin un rol di apoyo, enbes di vinculo cu e tiroteo real, e departamento a bisa.



Like
us on
Facebook

facebook.com/bondianoticia

SUPER Do it Center®

Bo Famia Pa Semper!

Weekly SPECIALS

EASTER
EDITION



Dragon Fruit

SAVE
2.50

f 11.99
Each



Pineapple

SAVE
1.00

f 4.69
Each



Celery Heart

SAVE
2.00


f 6.99
Each



Chicken Wings

SAVE
2.00

f 5.99
Per Kg



Picanha

SAVE
3.00

f 26.99
Per Kg



Norwegian Solbac
Bacalao

SAVE
3.00

f 36.99
Per Kg



Frico Gouda Jong
Belegen

1KG

f 17.99
Per Kg



Soft & Strong
Bathroom Tissue 12 Rolls

SAVE
3.27

f 11.99
Each



Arm & Hammer Detergt
Assorted

SAVE
10.00

HOT
ITEM



Borden 2% & Whole Milk
1 Gal

SAVE
1.50

f 9.99
Each



Crush Orange Bottle
20oz

SAVE
0.20

f 2.59
Each



Super Sweet Corn 32oz

SAVE
1.59

f 4.99
Each



Crinkle Cut Carrot 16oz

SAVE
1.59

f 2.99
Each



Sunshine Bite Size 15lb
Dogfood

SAVE
1.45

*Offer is valid from 22 - 28 March 2019 and while supply lasts

THANKS FOR SHOPPING LOCAL .

Clasificado Economico

**PERSONAL GRATIS MX 20 PALABRA- TA ACEPTE AVISO FOR DI 9:00 AM -4:00 PM
PASA LAGA BO AVISO NA OFICINA DI BON DIA ARUBA WESTSTRAAT #22**

TA BUSCA

Un apartamento den serkania di Playa (bon prijs) di un camber, tur cos inclui, muebla
Tel. 593 0909 / 593 0077

SERVICIO PUBLICO

Gran Feria di Fruta y Verdura na Rococo Plaza diahuebs, diabierna y diasabra 3 or te cu 8 or anochi . Tur siman

SERVICIO PUBLICO

ta yuda busca cas pa cumpria of huur
Tel. 563 1449

SERVICIO PUBLICO

Bo mester servicio di Coaching Politico PR, Marketing efectivo ! Na un bon prijs? anto tuma accion y yama Mr. Dirk
Tel. 583 7192

TA BENDE

un trailer di 30 pia pa 21.500 (taxatie 33.000) un trailer chiquito pa 5.200. Tur dos pa 25.500
Tel. 592 9246

SERVIO PUBLICO

Ta ofrece pa verf y chapi cura bon prijs. Nos ta hiba e sushi. Yama pa mas informacion na 563 4828/5679610

TA BENDE

Cuminda Criollo calco stoba cu arroz y banana, comcomber stoba cu rabo Deja Vu Cafe & Lounge Cayena Mall Caya G.F. Betico Croes 22
Tel. 561 1089

SERVICIO

Unified One Events Photos , films, wedding
Tel. 749 2533

TA HUUR

Apartamento preferibel 1 persona, incluye utilidades, full muebla situa na Piedra Plat Disponibel pa fin di maart
Tel. 741 8637

TA HUUR

Timeshare La Cabana to rent 1 bedrm sleep 4 3 nights in 31 di may 2019 out 3 june 2019
Tel. 583 8132 /641 6184

TA BENDE

cas y tereno na tur location
Tel. 584 5979 / 563 1449

SERVICIO PUBLICO

Buscando auto pa huur y na bon prijs? yama nos
Tel. 593 9953/ 593 8453

SERVICIO PUBLICO

Handyman pa tur trabou di verfmento, plumbing tuberia, chapi, limpieza di cura, drecha mata. contact.
Tel. 568 3728

SERVICIO PUBLICO

Barata Barata Nos ta chapi, lanta sushi, spuit veneno, corta mata, na bon prijs Arubiano balente
Call 592 5766

SERVICIO PUBLICO

ta haci tur sorto di tramite pa imigra na Aruba
Tel.584 5979/ 563 1449

SERVICIO PUBLICO

Master Nails Pa e miho servicio y experiencia den mantencion y atencion pa bo huñanan. Yama pa un cita
Tel. 744 9214

SERVICIO PUBLICO

Figuera Yard Service Nos ta chapi, corta y planta mata, brinda tur servicio cu bo cura mester. Tira sushi afo, tur esaki na un super bon prijs

SERVICIO PUBLICO

Construction remodelacion di cas, traha cas, apartment, traha y drecha dak, electricidad, verf pega mosaico, traha cura, plomeria. Bon prijs
Tel. 593 3141

TA BUSCA

un Metselaar pa pleister un pos parti paden y pafo na Paradera, yama prome cu 8'or pm
Tel. 587 2357

SERVICIO PUBLICO

Handyman pa trabou di: Verfmento, plumbing, tuberia, chapi limpieza di cura, drecha mata
Tel. 568 3728

SERVICIO PUBLICO

Ta haci tur trabou di construcion y carpinteria y tur cos cu ta furamento di stul
Tel : 746 0518

TA BUSCA

Señora ta busca trabow domestico (limpieza di cas)di dialuna pa diabierna
Tel.746 5697

TA BENDE

Gordura Ganga 15 saco pa 100 + 2 gratis. Oferta ta te cu 31 di maart
Tel.733 2542 / 594 2380 / 564 4456

TA BENDE

pa motibo di viahe un mountain bike 26 pa Fl.600 por bel
Tel.593 7279

SERVICIO PUBLICO

Se ofrece servicio de reparacion e instalacion de aires acondicionados Split e industrial tambien reparamos frigidaire, cuartos frios y fabricadores de hielo
Tel. 600 0750

TA HUUR

Apartament muebla di 2 camber cu cushina, sala, entrada priva na seroe colorado pa mas info yama
Tel.5698007

TA HUUR

Bachi pa tur ocasion
Tel. 749 2533

TA BENDE

Trailer 20 pia pa biba aden prijs Fls.10.000 (prijs negociable)
Tel:594 6687 / 565 5522

TA BENDE

Pickup Hilux double cabin aña 2000 Afl. 1950
Tel. 733 4448

TA BENDE

2 apartamento riba tereno eigendom na Seroe Blanco pa Afl. 255.000
Tel.593 6318



Yena aki bao e siguiente informacion

Telefon

Nombor completo:

Adres di entrega:

Adres di cobranza:

Pago Adelanta:

3 Luna

- Cobranza na Cas.
- Cobranza na Trabao.
- Paga via Banco (Standing Order) Aruba Bank no:33266.8
- Paga Aruba Bank ABO ONLINE .
- Paga CMB ONLINE .
- Personal na oficina di Bon Dia Aruba.
- Pone den Box.
- Tira den Cura.

6 Luna 1 año

**Yama na telefon: 582-7800 of manda un email na accounting@bondia.com
www.bondia.com**

Ruthy Vrieswijk-Bergen:

'Bon dia yen di alegríaaa'



ORANEJSTAD - Nos ta bay bek un crenchi den tempo, y nos ta relata algo di dia di hende muhe, dia 8 di maart cu ya ta trai lomba, mirando cu ta un bes pa siman nos ta skirbi algo di curason pa curason, awe algo encuento nos dia internacional di hende muhe cu tawata tin como tema e año aki algo di balansa pa miho.

Dios mediante otro siman nos lo relata algo encuento nos Dia Nacional, nos dia di himno y bandera. Ok ? Ta asina cu nos tambe a bay e conferencia di dia internacional di hende muhe Diabiera dia 8 di maart ultimo na Seaport Conference Center y nos a gosa di tur e oradornan nan presentacion. Esun mas cu a toca mi curason, tawata e presentacion di ministro di Financia Xiomara Maduro, cu a comparti cu publico algo di su kerida mama cu no a caba scol halto pero a sa di traha duro y yega na un bunita puesto si den su trabao. Asina tin mas Aramanan di cas di antes, cu pa motibo di duna ayudo na cas y na nan hopi rumannan, no por a termina nan estudio. Pabien tambe na tur e otro oradornan, entre otro, ministro presidente Evelyn Wever Croes y Sra. Maria Dijkhoff Pita, director di Dept di Asuntonan Economico. Den oranan di atardi, prome cu bay bek cas, Lady Ruth a core hiba algun paña na Eurolaundry riba boulevard y a haya e sorpresa agradabel di tende cu tawata tin 50% rebaha e dia ey, riba dia di hende muhe. Y despues

su siguiente dianan y siman pa cu nos dia nacional un rebaho di 25 % riba tur paña. Hopi bon mes !Ohala mas negoshi tuma e chempel aki y haci algo asina bunita pa nos hende muhenan riba nos dia.

Nan servicio tawata excelente ! Nos a saca un foto di e daman cu caranan contento, pa accentua nan bunita trabao den Eurolaundry. Den oranan di anochi Lady Ruth a bishita e celebracion di hende muhe cu e Forsa femenino Grace y partido Mep na Aruba Surfside Marina y eynan por a gosa di dushi musica di Francis Jacobs y scucha e oradornan entre otro Amy Richardson, ministro Xiomara Maduro y ministro presidente Evelyn Wever Croes, cu nan version di mainta na e conferencia, pero cu un toke di algo mas. No tawata e mesun publico di mainta. Amy Richardson a capta mi

curason cu asina hopi inspiracion bunita den su presentacion. Danki na Yuyu Croes, cu a warda un carchi pa Lady Ruth. Sra. Yuyu, segun cu nos a comprende, ta e curason y motor tras di e bunita organizacionnan social asina ki di Forsa femenino Grace.

E kier pasa esaki over pa esunnan un crenchi mas hoben, pero parce cu nan no kier pa Yuyu sali for di e comision. Lady Ruth tawata hopi contento di por a topa cu su primo Luigi Bergen y su bunita esposa Melissa. Y tambe cu su amiga colega Poeta Clarette Quandus. Lady Ruth a haya e oportunidad pa a recita un bunita poema eynan pa cu nos dia internacional di hende muhe, cu a cay na agrado di tur presente. Tawata un bunita anochi cu dushi ambiente, nada stijf, nada asina formal.

A peticion di esunnan cu a haya falta di un poema pa e dia aki, di Lady Ruth.
diabiera 8 di maart 2019
Dia Internacional di Hende Muhe.

Hende muhe y su dia
Celebra cu hopi sabiduria
Ruthy Vrieswijk-Bergen

Cu mas comprension
pa cada bendicion
Diabiera dia 8 di Maart cu ta un dia bendiciona
Pa nos hende muhenan celebra y reflexiona
Uni pa e capacidadnan cu nos tin y por
Fuerte pa e lasonan di comprension y amor
E amor cu ta resalta den nos mesun dignidad
E satisfaccion cu ta reina den nos trankilidad
Nos curvanan bunita cu ta haci nos resalta
Den nos beyesa fisico cu ta impacta
Dorna pa tur sorto di talentonan
Nos no ta cansa di duna otro un man
Awe, riba e dia aki recorda internacionalmente
Nos ta sigui exigi respet y bon trato naturalmente
Nos ta sigui duna di nos mes cu hopi amor
Na nos famianan y nos comunidad cu nos calor
E dia morocco di e dia aki por wordo yama
Dia di Mama, pa e muhenan mas bondadoso recompensa
Pero, awe ta e dia pa nos como muhenan inhala
Como e ser femenino sensual sexy y hopi inspira
Total y unico nos ta y nos lo keda

Y no ta nos tur ta tur ora suave manera seda
Tin di nos cu hopi forsa fisico, mental y spiritual
Tin di nos cu hopi energia, y alegría special emocional
Nos tambe ta complementa otro den un of otro cos
Nos tambe por tin firmeza den nos vos
Pero un cos cu nos tin mas cu hombernan ta e ternura
Y den nos alma, pasion y amor cu dulsura
Cu Dios a duna nos pa nos por sigui comprende bida tur
ora
Pa nos por acepta nos experientian hasta ora di yora
Nos por ta fragil y delicado manera porcelana
Pero, nos mes por scoge e caminda con nos kier sigui
cana

Pabien cu nos dushi dia yen di alegría !!!
Ser Muhe ta manera ser un flor
Cu simia pa amor y mas amor...


Auto a sali dilanti patruya policial cu sirena

CURA CABAI - Diaranson anochi riba e caminda di Cura Cabai pa Brazil un Toyota Vitz a sali dilanti un auto di polis bayendo direccion pabou cu luznan blauw y sirena cendi.

Aki e auto a dal contra otro basta duro y e Isuzu di polis a sigui bay abou dal contra un pickup ranca un palo di luz un impacto basta fuerte mes. Tanto ambulancenan como

mas polis a keda dirigi cu urgencia pa e sitio.

Na yega di ambulance paramedico a brinda asistencia na e polisnan envolvi, un mucha cu tabata den pickup y tambe na esunnan den e Vitz. Specialista di trafico tambe a presenta pa haci e investigacionnan. Personal di Elmar a yega pa atende cu e palo di luz kibra y unda tabata tin wayanan di coriente ta colga. E victimanan a keda transporta pa hospital.




Homber cu a hit & run otro auto no kier a para pa Polis



PIEDRA PLAT - Diaranson durante oranen di anochi un corolla a dal den un kia picanto di pizza hut, den area di Piedra Plat pa Santa Cruz y e chauffeur a bandona e sitio.

E chauffeur di pizza hut a dicidi cu e no ta laga e asunto asina y a sigui core tras di e auto yamando polis notificando nan di e caso. E corolla tabata core tur caminda den Santa Cruz, Jan Fleming, Roodi Frances, drenta Sabana Basora. Helicopter di polis tabata den halto y a drenta accion pa yuda di biaha y for di halto tabata sigui e corolla y notifica e polisnan unda pa dirigiri asina panort di ex DTI a changa e auto aki y logra detene e chauffeur.

Ceramento di caminda en conexion cu asfaltamento



ORANJESTAD - Departamento di Obra Publico ta informa pueblo di Aruba en general y specialmente nos automobilistanan cu ta haci uzo di e caminda di Hooiberg cu lo bay cer'e parcialmente pa asfalta e caminda. Trabounan preparativo lo cuminsa dialuna 25 di maart 2019 y lo asfalta e caminda diaranson 3 di april 2019.

47f pa Hooiberg 50.

Lo indica e ruta alternativa cu bari-cadanan y borchinan di aviso y e orario di ceramento lo ta di 8'or di mainta pa 4'or di atardi.

En conexion cu e trabounan menciona Departamento di Obra Publico ta pidi pa tene cuenta cu e inconvenienencia cu lo por surgi pa cual nos ta pidi nos disculpa.

E caminda cu lo asfalta ta, Hooiberg

Homber bou influencia tabata causa molester


ORANJESTAD - Dia huebs atardi polis a keda manda pa Wayaca Service Center, unda lo tin un homber a yega den un auto y e ta bou influencia di un of otro substancia, y no tabata kier a bandona e sitio.

Debi e ta bou influencia y na un gasoline station, e tabata causa un peliger di e bay haci cualkier maniobra. Polis a presenta e homber un rato a lanta cu polisnan y a bay over na detencion di dje pa e haya un cel pa e sosega e curpa.



ARUBA

DI NOS E TA!



Dialuna 25 di maart 2019 for di 9'or di mainta lo bay cuminsa cu e construccion di "hondenrug"/verkeersdempels ariba Rotonde Superfood. **E rotonde lo no wordo cera**, pero ta pidi pa automobilistanan por favor **baha velocidad na yegada di Rotonde Superfood**. Trabounan lo tin un duracion di 1 siman.

DOW y Mota-Engil Aruba ta pidi pueblo di Aruba y tur automobilista pa tene cuenta cu e trabounan ariba e ruta menciona.



DOW



Sospechoso imigrante culpa di mata pa adiccion na droga



NEVADA - Detective a bisa cu un imigrante di El Salvador ta ser acusa di ocasiona 4 morto. El a bisa polis cu el a horta y mata e victimas mayor di edad pa motibo cu e tabata mester placa pa cumpra methamphetamine.

E detective a bisa e gran hues, cu a acusa Wilbert Ernesto Martinez Guzman, 20 año, siman pasa, cu e acusado ta bibando na Merca ilegalmente, a cuminsa yora y yama su mes un idiota prome cu a confesa di comete e crimen durante un interrogacion.

Segun e detective, sr. Martinez Guzman a nenga di haci algo malo y cu tabata hari ora nan e autoridad tabata haci pregunta. Pero despues cu hues a confront'e cu contradiccionan den su storia, durante un interrogacion di tres ora, el a bisa mediante un interprete Spaño cu el a 'haci algo impardonabel'.

E hues acusa sr. Martinez Guzman siman pasa pa 4 cargo di asesinato, uzando arma, tres caso di hortmmento den posesion di arma di candela. Un declaracion di no culpado

bilidad a ser presenta na su nomber. Su huicio ta programa pa cuminsa te cu 2020.

Su defensa publico, John Arrascada, a informa den un e-mail pa AP cu e no a recibido transcripcion di e hues te cu diaranson, y no tin ningun comentario. Oficialnan federal a bisa cu Martinez Guzman ta na Merca ilegal y no sa ki tempo of con el a yega e pais. E caso a hala atencion di president Trump, kende a bisa cu esaki ta muestra e necesidad pa un muraya.

New Zealand ta prohibi arma militar post atake na moskee

NEW ZEALAND - Diahuebs, gobierno di New Zealand a anuncia cu a prohibi tur arma estilo militar, arma semi automatico y cu capacidad. Un siman despues cu e arma a ser uza na dos atake na moskee na e ciudad di Christchurch, cu a caba cu bida di 50 persona.

Un prohibicion inmediato den e benta di arma a trece efecto di prevencion, y ley nobo lo ser pura pa parlamento, cu lo impone un completo prohibicion di arma, prome minister Jacinda Ardern a bisa. "Tur arma semi-automatico lo ser prohibi."

E no ta conta pa arma cu ta ser uza comunemente pa cazador y agricultor. E partido

di prome minister Ardern ta controla e mayoria den parlamento, un paso pa legislacion ta ser spera. New Zealand no tin un derecho constitucional pa posesion di arma.

Cu anuncio aki, a trece comparacion inmediato cu Merca. Unda cu tin debate continuo tocante control di arma y matamento constante. Polly Collins di Christchurch a bisa cu e ta emociona pa tende prome minister su anuncio.

"E prome minister ta impresionante, e no ta manera Merca, unda cu nan tin tur e sucesonan aki y nan no ta haci nada pa cambia e ley di arma", sra. Collins a bisa. Algun otro compania di bendimento a bisa cu no lo tin mas den stock di e arma cu ta

bay ser prohibi y tampoco lo bende online, mirando locual a pasa. Hende ta bisa cu locual prome minister a haci ta un

paso balente. Actualmente tin 250mil licencia di persona cu tin un arma di candela na e pais,

unda cu ta conta cu un poblacion di 5 miyon. Autoridad ta pensa cu tin un 1.5 miyon di arma den henter e pais.



Strategia di Trump pa eleccion presidencial di 2020



WASHINGTON - President Donald Trump ta regresa na estado cu a precede su victoria na 2016, y ta sirbi manera un esfuerzo pa su re-eleccion.

President Trump a bishita Ohio riba diaranson, su prome trip pa estado desde aña pasa, ora cu estado tabata un luga briyante y tiki comun pa e republicano. Ningun ciudad a ilustra miho efecto di candidatura y presidencia di president Trump cu Ohio, unda cu e votadonan di clase obrero, tradicionalmente democristiano, a inclina pa e partido republicano, y republicano modera den condado suburbano hopi pobra a bandona Trump. Ta pa e motibo aki, oficialnan di e administracion a bisa, cu Trump ta keda bolbe Ohio – e bishita

di e siman aki ta marca e di 10 desde cu el a tuma mando. E visita ta un parti strategico di e president pa 2020.

Ta spera di e mandatario realiza biahe similar durante henter e aña, e ta busca manera pa aumento e entusiasmo pa contraresta un base democratico energetisa. E strategia aki ta emplea pa president anterior. Pa compensa costo di biaha pa campana presidencial cu evento financia pa contribuyente.

E comite nacional republicano, a pone e base pa e programa di campana di president Trump, el a mantene un presencia constante na e ciudad for di 2012. E ex co-president di RNC, Bob Paduchik, kende a dirigi e esfuerzo di president Trump na 2016, ta ripitiendo su trabou.

Jonayly y Anduarde Tromp y Prince Ramada ganado di campaña di 'Like & Share'

ORANJESTAD - Den e temporada di Carnaval Fundacion pa nos muchanan (FPNM) hundo cu Quota (QIA) International of Aruba a introduci un 'Like & Share Campagne. E motibo pa esaki tabata pa conscientisa comunidad di Aruba tocante e bienestar general di nos muchanan durante Carnaval.

Manera e añanan anterior FPNM ta duna informacion tocante e bienestar di nos muchanan durante carnaval. E aña aki esaki tambe a wordo haci y a enfoca riba e importancia di uso di Earplugs.

E campaña tabata un exito caminda cu a recibi en total 43 potret di muchanan uzando earplugs durante e temporada di Carnaval. Aunke por a saca dos ganado so, Fundacion Pa Nos Muchanan &

Quota International of Aruba ta sumamente contento pa wak e cantidad di mucha cu a haci uso di earplugs durante carnaval.

A base di e cantidad di 'Likes & Shares' e ganado a wordo saca.

Jonayly y Anduarde Tromp a gana e premio di mas shares y Prince Ramada a gana e premio di mas Likes.

Nos kier a felicita e ganado nan unabes mas y tambe gradici e mayornan di ganadon pero tambe e mayornan cu a coopera cu nos 'Like & Share Campagne'. Ademas Fundacion Pa Nos Muchanan kier gradici Quota International Of Aruba pa e cooperacion pa cu e campaña aki. Nos lo ripiti e campaña aki na 2020 pa asina nos por sigui conscientisa comunidad y cuida nos muchanan!



Departamento di Directie Natuur en Milieu a participa den Aruba Doet

ORANJESTAD – Tur aña Directie Natuur en Milieu a aporta na Aruba Doet y otro eventonan boluntario. Riba e promedia di Aruba Doet 2019, a parti DNM su team den diferente grupo pa yuda cu trabounan chikito na diferente caminda.

E aña aki un grupo a bay Stichting Funari pa traha diferente bakinan di mata pa embeyece e luga, ademas di esaki e grupo a haci team-building na un manera creativo y constructivo.

Otro grupo a bay Abraham de Veer School pa e di dos aña pa tint glasnan pa yuda tene e klasnan fresco.

Un grupo a bay yuda na Cuarson Contento situa na Savaneta. Nan a hiba un grupo di nos grandinan come na un restaurant, aki e team di DNM a sirbi e cumindanan y coy bebe, yuda e grandinan cana den area di naturalesa di e luga y entretene nan. E grandinan a keda masha contento cu e ayudo y caranan feliz di nos Team.



4 Cabes un celebro, ganado di Conoce Bo Isla Car Rally Scavangers Hunt



ORANJESTAD – Durante fin di siman a tuma luga e prome Car Rally Scavangers Hunt “Conoce bo isla” Organisa pa emisora di Cultura di Aruba, Radio Bo Guia 88.9 F.M. cu patrocinio di nos companianan nacional SETAR y FMSA y otro casnan comercial.

4 Cabes un Celebro consistiendo di 4 dama a bay cu e premio maximo di ganado mientras cu Bo Guia a premia 9 finalista, auto miho decora, grupo mas anima, grupo miho uniforma y grupo cu menos punto.

“Conoce Bo isla” ta un proyecto pa comunidad cu a keda organisa den record di un siman di tempo danki e familia dinamico y colaborandon di Radio Bo Guia 88.9 cu a haya e respaldo di nos comunidad cu un cantidad grandi di pueblo cu a dorna nan auto, uniforma nan mes, hunto den familia pa recore nos dushi isla Aruba.

E parti mas importante di proyecto ta ora cu participanten mester a bishita, saca potret y post riba FB e Baluartenan cu a keda scogi e aña aki pa Radio Bo Guia den persona di Evelino Fingal-disenjador di nos moneda y placa di papel; Maybeline Arrends- Croes cu mas di 50 año dirigiendo nos koornan di mucha y adulto; Belen Kock-Marchena poeta y educador di hopi lidernan di nos comunidad; Harry Croes- organizado pa mas cu 40 año di festivalnan di Dande, Tipico y Himno y Bandera; Ito Tromp

un persona cu nos mester di introduccion.

Durante e recordo a bishita varios luganan historico, ademas di a bini cu varios pregunta relaciona cu nos simbolonan di identidad di nos pais. Un d e preguntan mas dificil tabata unda e prome dump tabata ubica na Oranjestad. Como opdracht mester busca e.o. telefon di schijf, carchi telefon bieu di Setar, celular cu antenna, logo bieu di Setar. Mester a menciona parti di historia di refineria, pomp stacion nan, pinta logo do FMSA, etc. Mester a finalisa varios dicho popular na Papiamento, y mester a cana den Nassaustraat mencionando varios negoshi cu ya no ta existi mas. Participanten mester a saca potret y post esaki riba FB di Radio Bo Guia.


Mester menciona cu FMSA- Fuel Marketing Supply Aruba a ragala 25 bon di gasolin na e prome 25 gruponan cu a regista y participa na e Car Rally Scavangers Hunt. Mientras cu Setar a regala e grupo ganado un celular pa cada miembro di team 4 cabes un celebro. Esunnan cu a clasifica a haya masha hopi premio mes for di sponsoran.

E familia di Bo Guia ta gradici tur sponsor cu haci esaki posibel.

E ganadonan ta e siguiente gruponan: Ganado Absoluto 4 Cabes UnCelebro; 2 luga Team Ambiente; 3 er luga – Familia Peluche; 4 luga Raspa caya gang; 5 luga Triki girls;

6 luga Shoko Team; 7 luga Smarties; 8 luga Ami so den boso; 9 luga – 7 Pikete; 10 luga – Team Geerman.

Auto miho decora; Raspa Caya Gang. Grupo mas anima; 297 girls. Grupo miho uniforma; Ami So den Boso y grupo menos punto; Jake’s Pirate Team.



Mensahe pa Dia Mundial di Mondi:

Siña stima mondi of area di vegetacion ta bon mensahe pa muchanan

ORANJESTAD – United Nations General Assembly na 2012 a proclama dia 21 di maart como ‘International Day of Forests’ (IDF).

Na Aruba nos conoce mondi, e terminologia na Ingles ta Scrubland y na Spaño Matorral y na Hulandes ta Struikgewas. Na Aruba nos no conoce areanan forestal, pero si un mondi cera di Mangel (Mangrove forest/ Mangrovewoud/Manglares), manera na Spaans Lagoen, Mangel Halto y Isla di Oro.

DNM ta haci inventarizacion den mondinan na Aruba, segun un comunicado di prensa. Ta inventarisa ki sorto di mata tin presente y ki bestianan ta uza esaki como nan luga di biba. Ta celebra e dia aki door di conscientisa pueblo di Aruba riba e importancia di e mondinan cu tin na Aruba.

Riba tur International Forest Day ta curasha paisnan pa tuma iniciativanan local, nacional y internacional pa organiza actividadnan cu ta envolvi conscientisacion di areanan cu tin mondi cera y tambe plantacion di matanan.

Un iniciativa por ehemper ta encera plantamento di matanan na cantidad, of actividadnan pa muchanan unda nan por siña di matanan local of di areanan selvanan/ mondinan di otro paisnan.

E tema y lema pa 2019 di International Day of Forests ta ‘Forests and education; Learn to Love Forests (Mondi y educacion; Siña stima nos mondi’).

Ta importante pa compartir e informacion aki pa yuda e futuro generacion comprende mas di nos recursonan natural. Pa nan ta consciente di e importancia di mondinan y e matanan pa nan futuro. Ban siña nos muchanan di chikito caba pa conecta cu naturalesa na un manera respetuoso. Ban siña nan di chikito caba biba hunto cu naturalesa y no solamente biba di naturalesa (tuma y duna bek na naturalesa).

Awendia mas cu mita di e poblacion mundial ta biba den ciudadnan, y mas y mas nos ta biba desconecta di naturalesa. P'esey ta importante pa

conscientisa riba e benefician di mantencion y preservacion di e area di mondi y vegetacion. E areanan aki ta yuda tene e aire, suela, awa y hende sano. E areanan aki tin un rol masha importante ora ta atende/confronta cu fenomenonan actual manera cambio di clima, hamber na mundo y realizacion di un comunidad sostenibel.

Pero pakico nos ta celebra International Day of Forests?

Aruba no conoce areanan di mondi grandi debi cu nos ta un isla cu espacio limita. Cu mas rason nos mester cuida y proteha nos mondinan y vegetacion.

Hopi biah ta neglisha areanan manera mondi of ta desarroya e areanan aki sin mas. E actitud aki pa cu nos areanan di mondi y vegetacion ta haci'e mas dificil pa yega na e metanan mundial pa desaroyo sostenibel (SDG's).

E areanan di mondi ta forma parti di bo bida diario den hopi forma sin cu bo mes ta realisa. Manera e SDG #1 mes ta indica: Caba cu pobreza den tur su forma y na tur caminda na mundo. Ademas areanan di mondi y vegetacion ta duna nos oxigeno pa hala rosea, ta duna nos di come, ta brinda sombra, ta embeyece nos paisahe y ta mantene nos biodiversidad.

Ta importante pa siña e conexion di e areanan aki cu nos bida diario. Pa medio di educacion nos por pasa e conocemento pa nos muchanan p'asina nan siña stima naturalesa y matanan.

Siña nos muchanan mas di nos leynan cu ta proteha matanan (flora) local. Siña nan tambe pa duna un aporte door di planta mas mata. Tambe establece sistemanan di maneho sostenibel di e areanan unda tin mondi y di e forma ey conserva e biodiversidad riba tera.

Maneho sostenibel di areanan di mondi ta resulta den comunidadnan fuerte cu un economia cu ta prospera. DNM ta felicita un y tur riba e dia aki cu e mensahe positivo pa curasha nos muchanan pa ta mas consciente y aprecia nos mondinan, pero tambe siña di otro paisnan cu si conoce mondi diferente y selvanan.



Nadal lo bolbe pa Monte Carlo Masters

PARIS (AP) — Rafael Nadal ta spera di haci su regreso for di un herida di ruidia na e Monte Carlo Masters, despues di a wordo inclui den e lista oficial di hungadonan ayera.

Organizadonan di e torneo a anuncia e line-up pa e torneo riba cancha di klei na Paris. Nadal a gana e torneo un record di 11 biahia, y a tene un 'streak' di 46- wega gana na Monte Carlo entre 2005-13, e mayor cantidad di victoria consecutivo den un torneo pa cuaquier homber of muhe. Diasabra ultimo, Nadal, ran-

go #2, a retira for di su semi-final na Indian Wells contra su rival Roger Federer despues di a sinti dolor den su ruidia problematico durante e cuartos di final contra Karen Khachanov.

Nadal no a participa na e Miami Open riba hard-court, cual a cuminsa e siman aki, pa prepara pa su temporada riba klei.

E Spaño, di 32 año di edad, tin como meta extende su record na 12 titulo di French Open na Roland Garros, y un di 18 titulo mayor, for di dia 26 di mei te 9 di juni.



UEFA a multa Ronaldo \$22 mil pa gesto obsceno



NYON, Suisa (AP) — Cristiano Ronaldo a ricibi un multa di 20 mil euro di parti di UEFA, pa a haci un gesto provocado despues cu Juventus a vence Atletico Madrid den Champions League. UEFA a bisa cu su panel disciplinario a haya e strea di Juventus culpabel di conducta inapropia.

Ronaldo a wordo multa e mesun

suma imponi riba coach di Atletico, Diego Simone, pa e mesun gesto durante un wega di prome fase di ronda di 16 na Spaña.

Ronaldo a anota e hat trick den un victoria 3-0 den e di dos fase na Turin, pa manda Juventus na e cuartos di final. El a celebra e silbido final imitando e gesto di Simeone.

Juventus ta enfrenta Ajax proximo luna.

Exilio di Icardi na Inter ta yega su final

MILAN (AP) — Mauro Icardi a reanuda su training cu su compañeronan di ekipo di Inter Milan, terminando asina su exilio di seis siman.

Icardi no a subi cancha den mas cu un luna, desde cu el a perde e posicion di capitán durante negociacionnan di contract.

Icardi, di 26 año di edad, a bisa cu e tin un ruidia herida, maske e club a bisa cu e testnan no a revela ningun problema.

E delantero Argentino a bolbe train-

ing di e team ayera cu otronan kende no a wordo yama pa hunga internacionalmente.

Icardi lo por wordo yama pa e proximo wega di Inter, dia 31 di maart proximo, contra Lazio den Serie A. Cu 29 gol, Icardi tabata un di e goleadonan top den Serie A ultimo tempora, compartiendo e honor cu Ciro Immobile di Lazio. E tin nuebe gol den 20 wega di Serie A e tempora aki. Compatriota Argentino, Lautaro Martinez, a cubri den su ausencia, entregando cuater gol den su ultimo nuebe partido.

China cu oro den evento di pareha na mundial di schaats artistico

SAITAMA, Hapon (AP) — Wenjing Sui y Cong Han di China a gana en free skate pa bay cu e medaya di oro den pareha na e campeonato mundial di schaats artistico ayera.

Nan a schaats na e cantica 'Rain in Your Black Eyes' di Ezio Bosso, unda Wenjing y Cong a produci un rutina casi perfecto y a ricibi 155.60 punto, pa un total di 234.84.

E atletanan Ruso, Evgenia Tarasova y Vladimir Morozov a bay cu silver, cu 228.47 punto, sigui pa nan compatriotanan Alexander Enbert y Natalia Zabiiako, cu 217.98 punto.

Peng Cheng y Jin Yang di China a keda na di cuater luga, cu 215.84 punto.



Investigacion di partidonan regla bou mesa ta involucra mas hungado

PARIS (AP) — Polis Frances a interoga un otro grupo di hungadonan di tennis, den un investigacion creciente tocante un sindicato di drecha partido, sospecha di paga centenares di miles di dollar pa fix partido di nivel abou, oficialnan judicial a bisa ayera.

Shete hungado Frances a wordo tuma den custodia e siman aki y laga den libertad despues, hibando e total di interogacion na Francia te awo na 17, segun oficialnan. Un grupo inicial di cuater hungado a wordo interoga na januari. E oficialnan a papia bou condicion di anonimato, pasobra nan no ta autorisa pa discuti e investigacion publicamente.

E investigacion ta lidera pa autoridadnan na Belgica, unda e supuesto lider di e sindicato, un Armenio, ta basa. Autoridad Belga ta bisa cu Grigor Sargsyan a permanece den custodia na su cas, monitor cu un armband electronico.


Investigadonan ta bisa hun-

gadonan corrupto cumpra pa e 'fixers' tabata conoce Sargsyan como 'Maestro'. E schema masal, organiza via mensaje secreto y involucrando decenas di hungadonan di baho rango den torneo chikito cu tiki placa, ta pensa cu a extende na mas cu seis pais, incluyendo Merca. Autoridadnan Belga ta bisa nan a pidi asistencia di FBI como tambe nan contraparte na Egipto, Slovakia, Bulgaria, Hulanda y Alemania.

Un investigado Belga a bisa cinco di e hungadonan Frances interoga te awo a admiti di tuma placa for di e sindicato pa fix partido, y cu un hungado, pensa di a fix mas di binti wega, a confesa na polis cu el a ricibi 30,000 euro.

E investigacion a crece mas grandi di locual autoridadnan Belga a spera ora nan a arresta Sargsyan y otronan pa prome baha na juni. E ta enfrenta cargo di crimen organisa, fix wega, labamento di placa, y falsificacion.

E cantidad di hungadonan sospecha di participa ta sigui crece. Investigadonan Belga,



cu a pasa door di record telefonico y mas evidencia, ta kere cu nan a identifica 137 hungado sospecha di a fix of purba di fix. E sindicato supuestamente a paga entre 500 te 3,000 euro pa e weganan. Police a bisa cu e sindicato tabata emplea hende pa pusta riba e weganan fix cu tabata suficientemente chikito pa pasa bou radar di vigilantenan di pustamento.

E investigadonan ta bisa cu e evidencia te awo ta sugerir

cu e sindicato tabata conoce otro fixers na Spaña, pero nan no tabata traha hundo. Ademas, varios hungado cu a tuma placa di e sindicato a bisa polis Frances cu nan a haci e pasobra premio monetario na e torneonan di nivel abou ta mucho tiki pa cubri nan gasto.

Hungadonan a bisa polis cu frecuentemente nan tabata mira Maestro na e torneonan, trahando pa recluta mas complice, y nan a describi e como amigabel y no menasante, se-

gun e investigacion.

Te awo, Francia tin e mayor cantidad di hungado interoga durante e investigacion. E prome cuater a wordo nombra pa investigadonan como Jules Okala, 21; Mick Lescure, 25; Yannick Thiviant, 32; y Jerome Inzerillo, 29. Ningun a opera den e sferanan mas halto di tennis. E miho ranking den singles den su carera di cualquier di nan tabata 354, alcanza pa Inzerillo na 2012.

Presidente nobo di USC cla pa 'drecha' scol

LOS ANGELES (AP) — E presidente nobo di Universidad di Southern California a bisa e kier ta parti di 'drecha' e scol, despues di un serie di scandal prominente, incluyendo un caso grandi di soborno di admision cual a ser revela siman pasa.

Carol Folt, un biologo y excanciyer di e Universidad di North Carolina na Chapel

Hill, lo bira e di 12 presidente di USC y e prome presidente permanente femenino den historia di e scol, segun e board a anuncia diaranson. Su prome dia di trabou lo ta 1 di juli.

Folt a bisa e tabata hororisa ora el a haya sa di e schema di soborno, cu a consisti di mayornan afuente pagando pa un consehero universitario falsifica resultadonan di

test of haya un admision pa nan yiu den un sport cu nan no tabata hunga. Pero e no a dun'e un pausa pa acepta e posicion.

"Mi kier ta parti di drecha esaki", Folt a bisa. "Si bo ta purba maneha un institucion, bo mester disfruta e drechamiento tanto como e avance."

Su trabou no lo ta facil, segun Roger Sloboda, un profesor

di biologia na Dartmouth College na New Hampshire, unda Folt a cuminsa su carera academic y a pasa tres decaida. "E ta un científico y lo mira e data, mira kico a pasa y con pa drech'e", el a bisa.

Un buskeda largo pa un presidente nobo a hiba un comitee di 23 miembro pa recomienda Folt unanimemente, segun Rick Caruso, presidente di e board di USC. "E ultimo nuebe lunanan a muestra nos cu e universidad aki por enfrenta cualquier reto", el a bisa. "Nos ta cla pa sigui bay dilanti."

Folt lo tuma over for di presidente interino, Wanda Austin, kende a yega ora ex-presidente CL Max Nikias a renuncia ultimo berano durante dos controversia: reportenan cu e scol a ignora reportenan di mal conducta sexual di e ginecologo di e campus, y un investigacion riba un decanodi scol medico acusa di huma mentamphetamine cu un muhe, kende a fayece di sobredosis.

For di un punto di bista di crisis na su trabou anterior, Folt

a bay OK, segun Jay Schalin, director di analisis politico na e James G. Martin Center for Academic Renewal, un think tank lider den derecha.

Cuater studiante di USC a presenta na introduccion di Folt na USC protestando su accionnan durante un controversia na su antiguo trabou, bisando cu el a tuma credito pa accion di e studiantan.

Un di nan, Rebecca Hu, a bisa cu e kier a presenta su preocupacion, y a sinti cu studiantenan mester a tin un participacion mas fuerte den seleccion di un presidente nobo. "Mi ta kere cu e comunidad estudiantil ta hopi golpia pa e administracion di USC henter, y nos djis kier sigura cu nan scucha nos y tuma nos na serio", Hu a bisa, kende ta un senior studiando filosofia.

Studiante di posgrado, Myla Bastien, a pidi pa transparencia y honestidad. "Mi ta kere si USC acepta su fayonan y bin cu un plan pa prevenir den futuro, esey lo yuda", el a bisa.



Resultado di torneo Himno y Bandera Papaya Ranch

ORANJESTAD – Recientemente a tuma luga Torneo Nacional di Bolas Criollas en conexion cu di a 18 maart 2019 na Papaya Ranch. Di mainta team nan a bata ya contra otro den categoria nan Infantil, Hubenil, Damas y Caballeros

Resultado ta lo siguiente:

Campeon Infantil T.M.P.B

Sub - Campeon Headache
3e luga Papaya Ranch



Campeon Hubenil T.M.P.B

Sub - Campeon Papaya Ranch
3e luga Headache



Campeon Damas T.M.P.B

Sub - Campeon Jo Bolas
3e luga Jairo's
4e luga Headache

Campeon Caballeros Shotaz

Sub - Campeon Querendones
3e luga J.B. Stars
4e luga Rolling Ball

Papaya Ranch kier a yama danki na tur, teamnan participante, nos sponsor nan cu a yuda di un manera of otro pa cu e Torneo aki.

Alabes nos kier a recorda cu Torneo International di Bolas Criollas na Corsou ta tuma luga dianan 25 pa 27 april 2019.

Bon acogida pa prome torneo Alvin A. Howell di ahedrez

ORANJESTAD - Recientemente a tuma luga e prome "Torneo Alvin A. Howell" di Ahedrez (Schaak), cual a haya un bon acogida.

E torneo tabata specialmente pa hobennan te cu 16 año di edad y lo wordo teni anualmente den luna di maart, cual por cierto ta e luna cu Alvin Howell ta cumpli año. E año aki tabatin un total di 16 hungado inscribi.

Alvin Howell ta hunga ahedrez fo'i año 1971 y a sa di representa Aruba den pasado dignamente riba nivel internacional. Tambe el a yega di fungi como presidente di e Club di Ahedrez Aruba. Su meta cardinal ta pa stimula e



Parlamentario Arthur Dowers (AVP):

‘Venezuela tin honorabel Juan Guaido y Aruba tin un premier gañado’

ORANJESTAD - Cu hopi asombro miembro di fraccion di AVP, Arthur Dowers, a tuma nota di declaracionnan haci pa prome minister Evelyne Wever Croes siman pasa, relaciona cu e proceso di reapertura di e refineria na San Nicolas.

Dowers a mustra cu na Venezuela tin un persona cu a haci masha hopi esfuerzo mes pa logra convence Washington pa lanta algun di e embargonian cu tabatin riba interesnan petrolero di e pais loke a ser haci tambe.

“Si, cu hopi asombro mi tambe a bin tuma nota di algun ponencia di minister presidente di Aruba y nos a bin realisa cu henter e discusion over di e refineria, ti na Venezuela un persona cu a haci hopi esfuerzo y nan tin un Guaido na e momento aki pero aki na Aruba a resulta cu nos tin un gañado.

Paso e persona aki na momento cu el a sinta como minister presidente, un di e prome cosnan cu el a papia den parlamento ta cu nan ta bay studia con pa nan deshaci di e contrato cu Citgo.

Mi ta kere cu hopi hende ta corda esey, a pesar cu un año y mei a pasa caba, pero esey tabata un di su prome temanan y na mes momento a bisa cu e sa cu ta dificil pa kibra un contract cu ta bon hinca den otro pero cu nan lo busca un team di abogado y mi tin gana di sa kendenan ta forma parti di e team aki, pero e team aki mester a studia con ta bay cera e refineria, no habrie, pero con ta cera esaki,

Na di dos luga el a bisa cu e ta bay planta marihuana riba tereno di refineria y tin grabacion di e declaracion aki di prome minister Evelyne Wever Croes y despues di esey nos a bin haya informacion cu en realidad e minister presidente aki nunca kier a mira e refineria aki habri pasobra cu el a cera un pacto cu cierto personanan y un parti importante di e gobernacion aki, sosteni pa personanan cu ta contra di e refineria.

Personanan cu tabata den AVP y nos sa cu tin un di nan cu a vota contra di e refineria tempo cu e ley a pasa y tin otro cu tabatin interesnan particular pa loke ta desaroyo



di hotel pariba na San Nicolas y no kier mira e refineria aki habri.

Loke a pasa y pueblo mester realisa esey cu tur tempo, señora minister presidente a keda keto, e no a haci ningun tipo di esfuerzo pa sali bin dilanti y mustra su interes pa logra reapertura di e refineria.

E unico biaha cu mi persona a mira premier Evelyne bin dilanti cu hopi entusiasmo, ta na e momento cu a wordo anuncia cu berdaderamente e embargonian ta birando mas pisa y cu trahadonan ta perdenan trabou.

E ora prome minister a sali y gaña como si fuera e ta preocupa y nos sa esaki pasobra tin documentacion y grabacion cu ta duna informacionnan hopi cla, di personanan cu ta hopi cerca formacion di e actual gobierno, kendenan ta bisa cu tin pacto entre cierto personanan pa percura pa e refineria no habri su portan-

E parti mas tristo ta cu dia sr. Koolman di RdA, pasobra e gobierno aki a keda keto tur tempo pa loke ta trata desaroyo di e refineria, gobierno a keda keto tambe pa loke ta posibilidadnan cu tin pa e refineria berdaderamente bay opera, dado momento sr.

Koolman a Sali y el a duna un splicacion cu mi mester bisa cu mi mes a keda sorprendi.

E presentacion cu el a duna tabata un presentacion cu ta riba un nivel cu ta un minister mester a duna pero e minister kende ta responsabel pa e refineria cu ta premier Wever Croes, nunca kier a duna esaki pero sr. Koolman a splica na placa chikito, e importancia di e refineria aki pa cu Venezuela y pakico Venezuela ta keda tene tambe na esaki.

Na momento cu realidad a batí na porta y prome minister no por a neglisha e berdad aki mas, el a purba un cos

chikito y na momento cu el a realisa cu e esfuerzo haci pa presidente interino Guaido cu toch e plannan pa e refineria di Aruba lo sigui, cu e vision cu tabatin lo por bira realidad awor, Evelyne ta core Sali y insisti cu ta su persona a haci tur esfuerzo.

Mi ta kere cu ta un berguenta pa un persona cu nunca a haci nada pa e refineria, cu nunca tabata kier su cabes cu tur loke pasa of keda sin pasa cu e refineria, ta bin dilanti y haci un show na momento cu e ta kere cu awor e tin chens pa logra algo” parlamentario Arthur Dowers a declara.

Prome minister Evelyn Wever-Croes:

‘Gabinete Wever-Croes a tuma e responsabilidad pa soluciona e problemanan financiero cu Mike Eman y su partido a causa Aruba’



ORANJESTAD - Lider di AVP, señor Mike Eman ultimo temporan ta expresa su odio contra Gabinete Wever-Croes. Motivo principal ta pasobra e gobierno aki a pone fin na e fechorianan di Mike Eman y henter su gabinete. Na un forma hopi negativo señor Eman ta instiga y purba sembra odio den pueblo. Prome minister Evelyn Wever-Croes a expresa cu e forma aki di sr. Eman pa hiba politica ta tipifica politica bieu di pasado cu pueblo a rechasa completamente.

Ta increibel cu Mike Eman ta rabia y ta sembra odio pasobra nos economia ta stagna. Pero ta bon pa señor Eman para keto y hala e rosea cu aire fresco y admiti cu ta e mes y su partido AVP a ocaciona un situacion na unda awe nos economia ta stagna. Pasobra di berdad Mike Eman a bay y laga e economia di nos pais stagna.

Prome minister Evelyn Wever-Croes:

“Locual cu sr. Eman tin rason

ta cu nos economia ta stagna. Y e sa miho cu tur hende con stagna nos economia ta pasobra ta e mes a laga nos economia asina stagna. El a hiba su gobernacion basa riba cifranan irealisticu y supuesto solucionnan pa gaña cu economia lo a crece. Cuanto biahá den su proyeccionnan el a habri e refineria? Bisando cu economia ta bay crece door di e refineria? Y kico e realidad ta?: e refineria ainda ta cera.

Pero, pakico keda pega den pasado cu tanto odio y rencor. Pueblo a rechasa esey. Pueblo kier un solucion y p'eseys nos ta trahando riba un vision economico agresivo. No a trece solucion. Contrario na e vision di sr. Eman pa endeedua nos pais pa crece economia, nos ta contra di mas debe pa nos pais. Vision di gabinete Wever-Croes ta pa crea varios pilar economico cu ta yuda nos pueblo.

Un bes mas, sr. Eman tin rason cu situacion financiero ta malo. Ta e mesun mal maneho financiero di e governo anterior di AVP ta wordo sinti aindá. Lamentablemente su consecuencianan ta doloroso.

Na aña 2009 e debe nacional tabata rond di 40%. Den apenas 5 aña di gobieno di AVP, e debe a wordo redobla. Esey a pone cu nos a cay bou di curatela financiero y ni e ora ey nan a logra pone nos financia publico riba e bon rumbo, pasobra tanto e gobierno di e tempo ey como e institutonan di supervision incluyendo CAft, a faya.

Nan a aumenta gasto di personal drasticamente. E ex prome minister Mike Eman cierto momento tabata tin un staf di como 300 hende ta traha pe. Despues di supervision financiero el a hay'e obliga di baha e cantidad pero asina mes a keda cu casi 200 hende. Ami ta trahando cu un staf awor di 10% di esey!

Asina y bahando cantidad di minister nos a baha gasto di e ministernan cu 27 miyon florin y parti di dje a wordo inverti den departamentonan cu hopi aña a wordo neglisha. Nos a inverti den estadistica y awor nos por mira e efecto di nos maneho estricto riba tereno di financia.

Aña pasa nos a cera aña cu

un deficit mas abou cu presupuesto. Pa e aña aki nos ta premira e deficit di mas abou den hopi aña, 25 miyon. Y e aña aki ta e ultimo aña cu nos tin deficit. Entrante otro aña Aruba lo conoce un surplus. Algo unico cu ta solamente gobienonan di MEP a logra den pasado. Nos debe den porcentaje di GDP ta baha asina. Awor e ta na 78%!

Loke mester remarca tambe ta cu den e 8 añanan di gobieno anterior di AVP, den cual a redobla e debe, mes momento a bin cu mas di 30 medida y den nan un cantidad record di impuesto nobo pa nos pais. Asina mes a crea deficitnan gigantesco y a redobla e debe.

Gobierno di Aruba a hay'e obliga di introduci un crisisheffing temporal na principio di nos gobernacion, pero despues a bin cu Reforma Fiscal y a elimina varios belasting caba. Pasobra den ultimo 8 añanan nos pueblo a wordo confronta cu asina tanto impuesto nobo, sin haya ningun compensacion di impuestonan cu por a wordo elimina pero no a wordo

elimina.

Gobierno di Aruba a cuminsa cu elimina successiebelasting pa tur hende. Nos a elimina inkomstenbelasting y loonbelasting pa 30 mil persona cu tin un entrada di 27 mil florin pa aña. Nos a elimina grondbelasting pa 12 mil hende. Y asina nos lo sigui cu e Reforma Fiscal, e cambio husto. Pa baha e impuesto cu tur hende ta paga riba entrada of salario, pa asina abo tin mas placa den bo man y abo dicidi con y na kico bo ta gasta e placa.

Pueblo a rechasa politica anticua y pueblo kier solucion. Y nos ta trahando pa solucion. En bes di mas impuesto nos ta trahando riba menos impuesto, manera ya nos a elimina successiebelasting pa tur hende, loonbelasting y inkomstenbelasting pa 30.000 hende y grondbelasting pa 12 mil hende! Esaki ta e realidad ta cu sr. Eman no kier pa pueblo sa.

E trabou ta grandi, e situacion financiero cu nos a hereda ta serio. Pero nos no ta yora of keha. Nos a lora manga, y tuma accion. Y maske cu lo tabata mas facil pa keda pafo di politica na e momento aki, nos a carga nos responsabilidad. Sr. Eman a scoge pa keda pafo di politica y asina traiciona su 7000 y pico votadonan. Esey ta ‘kiezersbedrog’.

Ami a carga mi responsabilidad maske no ta ami ta e culpabel. Ta Mike Eman ta e culpabel di nos situacion financiero malo, e debe enorme y un economia stagna. Mike Eman a scoge pa no carga su responsabilidad.

Nos no ta esunnan cu a causa e problemanan financiero, pero nos lo solucione si. Poniendo e ser humano central, creando progreso y bienestar pa tur ciudadano, specialmente pa nos muchanan y hobennan.

Conciudadanonan, nos no a yega ainda, pero nos ta riba e bon caminda y creando confiansa tur caminda. Ban uni pa Aruba. No mester tapa e luz di un otro pa bo luz briya mas. Ban nos tur briya nos luz, y ilumina e caminda hopi mas y pa hopi mas hende”.

Parlamentario Mervin Wyatt-Ras (AVP):

‘Diamars durante tratamiento di presupuesto di DOW atrobe tabatin falta di quorum den coalicion’

ORANJESTAD – Parlamentario Mervin Wyatt-Ras ta comenta cu ora a trata presupuesto di DOW diamars dia 19 di maart atrobe e coalicion cu tin cu sostene gobierno no tabata forma quorum pa nan minister sino a depende di fraccion di AVP pa esaki y cu e reunion por a sigui.

P'esei mes fraccion di AVP no ta comprende con tin miembrongan di e coalicion manera Vrolijk cu ta “wrong y strong” pa keda insisti cu nan si ta bin trabou. Sra. Wyatt-Ras ta puntra su mes con e parlamentario en cuestion por gaba y wak si otro no ta bin trabou si su coleganan mes no por completa sikiera 11 den parlamento. Dicho parlamentario ta ataca Wyatt-Ras di un biahe pa Surinam. Sra. Wyatt-Ras den su trayectorio politico a hasta yega di “host” parlamentarionan di Surinam na Aruba. Den su funcion como presidente

di Parlamento el a prepara y presidi reunion cu Surinam. E tempo ey Dios sa unda Vrolijk tabata.

E ta keha di quorum na Surinam. Hasta na Aruba Wyatt-Ras continuamente ta duna quorum mientras cu Vrolijk mes y su coleganan ta drenta y sali for di sala di parlamento. No ta Wyatt-Ras ta keha sino Vrolijk continuamente ta yora over di e asunto ey. E tin cu bay check hopi bon cerca su mes y coleganan cual di nan no ta bin reunion di comisionnan paso kisas nan tin otro cos di haci of hasta por ta studia den ora cu nan ta wordo paga cu placa di pueblo.

Wyatt-Ras no ta bay Spa pa massage ni ora e tin tempo liber corda ora di trabou pero cuidou cu ta esun mes cu ta insinua cos ta haci esaki. Corda e dicho: “piensa e ladron que todos son de su misma condicion”. No paso Vrolijk no por a funciona como me-



neer di scol awor e mester bin tira lodo riba Wyatt-Ras. Si su coalicion ta funciona bon nan no lo a presenta ayera dos mocion similar un na Hulan-

des y otro na papiamento. Aki por nota cu nan no por coopera cu otro ni pa presenta un mocion, ni pa presenta na reunion ni pa tene quorum. E

ora ey Vrolijk y su fraccion & coalicion tin hopi huiswerk pa haci den nan propio klas.

Parlamentario Alan Howell contento cu reapertura di Biblioteca San Nicolas

ORANJESTAD - Diaran son a tuma luga e apertura oficial di Biblioteca San Nicolas. Parlamentario Alan Howell ta hopi agradecido na Gobierno di Aruba, minister Lampe y directora di Biblioteca, sra. Britten, pa reconoce su esfuerzo y insistencia pa cu e renobacion di e biblioteca durante nan

discurso na e ocasion di e reapertura di biblioteca .

El a indica cu despues di a warda pa hopi tempo y despues di varios inconveniente, finalmente e apertura oficial di e Biblioteca San Nicolas a tuma luga, y a agrega cu e la keda masha bunita y moderno mes.

“Di curason mi ta desea cu nos hendenan y specialmente nos studiantenan di pariba di brug haci bon uso di dje. Un biblioteca ta bo fuente di conocimiento y sabiduria pa bo futuro. Pabien San Nicolas. Let's build more schools and libraries instead of more prisons”, Alan Howell a conclui.



64 Grupo so pa Mens Erger Je Niet “LIVE”2019

ORANJESTAD - Centro di Barrio Brazil ta informa tur grupo, cu a confirma nan participacion den e campeonato di Men Erger Je niet LIVE 2019 via Whatsapp, pa yega CBB dia 3 di april pa haci e participacion oficial, pues cu nan contribucion di e inschrijfgeld.

E team cu no cumpli cu esaki ta wordo reemplaza pa un di e hopi grupo nobo cu ta den rij ta warda, pa bo lubida di yega CBB dia 3 di April, LOL. Joke.

E temporada di hopi nervio, emocion, tension, alegría, decepcion, suerte y hilaridad ta cuminsa dia 13 april 2019 cu desfile pa 7:30pm cu 1 wega.

Corda yega CBB na careda cu tur bo fanaticada pa confirma pa bo no keda “AFUERAaaaaa”.
Pa mas informacion por tuma contacto cu Eddie Dandlau na cel 5662208 of Whatsapp



Papa Francisco ta pidi pa hombernan resa rosario

ORANJESTAD - Diadomingo 24 di maart 2019 na misa di Inmaculada Concepcion Grupo “hoben y homber den accion pa resa rosario”. Apostolado Mundial di Fatima ta invita tur hende homber di Aruba pa resa rosario pa trankilidad den nan hogar y na nan trabou. Papa Francisco ta haci enfasis pa hoben y hombernan resa e Santo Rosario fervientemente .

Nos tin custumber di colga un rosario dilanti den nos auto, y colga un rosario na nos garganta pa sinti nos mes cu siguransa y nos ta hacie cu fe, pa proteccion mes y pa nos familia. Esey no ta kita cu no tin desgracia, pero cu fe nos ta sali for di nos cas y pa regresa cu trankilidad den nombra di Dios.

Diadomingo awor dia 24 di maart pa 5.30 or di atardi. Den misa di Inmaculada Concepcion nos ta cuminsa cu resa Santo Rosario Misterio Glorioso y ta sigui cu oracion y canto na honor di Inmaculada Curason di Mama Maria. Despues tin Santo Sacrificio di misa pa cera e dia di Señor. Hende muhenan den silencio ta compaña e hombernan den nan oracion

Cu Dios drama su bendiciona riba tur hoben y hombernan di Aruba y mundo henter.



Nos ta kere cu Jesus a muri y a lanta for di morto, y asina nos ta kere tambe cu ora E bini bek, esnan cu a muri cu fe den dj'E, lo lanta fo'i morto y cu Dios lo tuma nan for di riba mundo huntu cu Jesus. □

1 Tesalonisensean 4:14



Sra Gisela W. Polak-Laclé □

mihor conoci como Sally

Na nombra di su:

Esposo: Sr. Wilfred E. (Sonny) Polak

Yiunana:

Lizayra y Cesar Tromp-Polak
Egbert (Willy) Polak y Eline van Belleghem

Nieta: Amalia-Sofia Tromp

Rumanan:

Fabio (Yopi) y Balbina Laclé y famia
Jeanette y Roland Laclé y famia
Hendrik (Henny) y Mathilda Laclé y famia
Violeta y Frans Alten y famia
Ruth y Roland Lejuez
Jaime y Helen (Lientje) Laclé y famia
Jose (Joy) y Cheryl Laclé y famia

Tanta:

Nicomedá (Ninita) Croes-Laclé y famia

Tur su sobrina y sobrino, primo y primanan, swa y cuñanan, bisiñanan y conocirnan.

Su ayudante: Maria y Marian

Demas familia: Polak, Laclé, Tromp, van Belleghem, Sanabria, Flanegin, Alten, Lejuez, Arends, Croes, Bremer, Oude Engberink, Hagist, Peterson, Broekman, Tilma, Sybesma, De Miranda y Towon.

Ta invita tur familia y amigonan pa acto di condolencia y entiero ariba diasabra 23 maart 2019 di 9.00 am pa 11.00 am na Parokia Santa Filomena, Paradera. Sigui pa un response y despues lo sali pa santana Pastoor Kraanwinkel.

Ta pidi encarecidamente pa no manda flor of krans, lo tin un box disponibel pa donashon pa Wilhelmina Kankerfonds.

Nos ta pidi disculpa si nos por a lubida un of otro persona den nos momento di dolor.



Señor ta mi wardador, mién tin falta di nada

Den cunucu di yerba berde e ta ponemi sosega.

E ta hibami na awa frankil,
Pa mi bolbe haña fosa □
Salmo: 23

A fayece:



Neal Wester

*23-11-1988 - □19-03-2019

Acto di entiero lo wordo anuncia despues.



Rustig weggeleden uit het leven.

Op 93-jarige leeftijd is voor eeuwig ingeslapen mijn vrouw, onze moeder, oma en overgrootoma.



Wanda Helouise Tromp - Busropan
19 februari 1926 - 13 maart 2019

Echtgenoot:
Marcello (Effie) Tromp

Kinderen
Johan
Dennis
Jennifer & Robby
Marcel
Burt & Linda

Kleinkinderen
Moira & Harvey
Yara

Achter kleinkinderen:
Raiyra
Rafael

Gelegenheid tot condoleren bij Aurora op donderdag 21 maart 2019 van 19-21 uur en op vrijdag 22 maart 2019 van 9-10 uur, waarna in besloten kring de crematie plaats zal vinden.



No pienses que me he ido
 Si algún dia visitaré mi tumba no llores,
 Solo imagina que estoy durmiendo.
 Te visitaré con el alba, te abrazaré con el viento,
 Te besaré con la lluvia y cantaré para ti en silencio.
 Nunca pienses que me he ido, porque entonces
 Entonces si habré muerto.

Cu dolor na nos curason pero conforme cu boluntad di Señor
 nos ta anuncia fayecimento di nos casa, mama, oma y ruman:



Nebia J. Dirksz-Garcia

Mihor conoci como Nibia of Necha
 *19-09-1942 □ 20-03-2019

Na nomber di su casa stima: Mario Edwin Dirksz

Na nomber di su yiunan:
 Lillybeth y Gio Maduro-Dirksz Y yiunan
 Jinan Dirksz y yiunan
 Illusette Dirksz

Nieto(a)nan:
 Lynnoush Havertong y yiunan
 Gillany Maduro y Jeremy Kelly
 Therrin Dirksz, Iliyani Maduro

Bisa-nieto(a)nan: Jayzion Y Ziënne Hazel

Ruman nan: Viceli Garcia
 □Antonio y Yolanda Garcia-Hernandez
 Avelina Garcia
 □Edilia Garcia
 Landho y Linda Garcia-Brokke
 Henrie y Ramona Garcia-Campos
 Rosa Garcia na Hulanda
 Ruben y Treesje Garcia-Marchena

Subrino(a)nan: Melvin, Militza Garcia
 Giselle, Gerlaine, Ghislaine Tromp
 Geraldine y Jayson Jean Baptiste
 Liandra Rijksen, Laindra Garcia, □Landhee Garcia
 Clifford, Howard, Jerry, Hensley, Hamilton Garcia
 Grego Lacle
 Jason Garcia
 Geneviève Garcia, Giliene Franken
 Wuendys Venegas, Fabiola Varela

Su prima stima: Maria □Nichal Kock-Loefstok y Famia

Su amigo nan di cas:
 Paul y Millie, Howard y Conny Van Niel
 Ephraim y Leticia Maduro-Lumenier
 Mary y Mama Mary Valeri
 Herminia Mary Norato na Venezuela

Ex-coleganan: Manrique Capriles & Sons

Un danki special na: Lola Geerman Y Migladys Romero
 Dr. Horacio Oduber, Afdeling: NS4
 Lily Prins Y KWF

Demas famia, primo(a)nan y demas amigo(a) y conocer nan: Garcia, Dirksz, Maduro, Havertong, Hernandez, Brokke, Tromp, Jean Baptiste, Campos, Marchena, Lacle, Lumenier, Franken, Kelly, Rijksen, Loefstok, Kock, Barros, Els, Ras, Albertsz, Pietersz, Rosel, Nijdam, Varela, Norato, Maxwell.

Acto di despedida lo tuma lugar Diasabra 23 di Maart 2019 di 9:00AM-11:00AM na Aurora Funeral Home

Nos disculpa si nos por a lubida un of otro famia/conocer den nos momento di tristeza.

Despues di despedida **NO** ta ricibi bishita di condolencia na cas.



Señor ta mi wardador, mi[n] tin falta di nada
 Den cunucu di yerba berde e ta ponemi sosega.
 E ta hibami na awa trankil,
 Pa mi bolbe haña farsa□
 Salmo: 23

A fayece:



Ferridi Eddine

*06-02-1942 - □21-03-2019

Acto di entiero lo wordo anuncia despues.



Cu profundo tristesa staff y personal di ASAP Sales & Services ta participa fayecimento di:

Ferridi Eddine

Na bida suegra di nos Director Richard Ricky Lacle.

ASAP Sales & Services ta extende su mas sincero palabranan di condolencia na famianan di e fayecido.

Hopi fosa na Ricky, Nathalie, Joseph, Benjamin y demas famia den e dianan dificil aki.

Cu Ferridi sosega na Paz.



Esun cu ta hiba un bida drechi, cu ta practica husticia y cu semper sa papia berdad; cu no sa papia malo di hende, no ta haci daño na su prohimo ni ta pone su cara na bergeuensa. Salmo 15:2-3
No duda, nos lo topa un dia cerca Dios.
No duda cu lo keda amor pa mara nos.

Cu imenso dolor na nos curason, nos ta anuncia fayecimento tragicod:

Ferdinand Samuel Jonathan Hsing

Cariñosamente yama □Ferdi, Fercho, Fe of Fechi□

* 20 juli 1987 - □16 maart 2019

Na nomber di mayornan:
Maria Fawcett-Caster y esposo Antonio Fawcett
□Tata: Ching Fong Sonny Hsing

Na nomber di rumannan:
Marieanne Hsing & Edric Oduber
Marjetie Franken-Hsing & Kevin Franken

Rumannan di criansa:
Geanlu Fawcett
Antonio Jose Fawcett

Na su sobrina & lha stima: Marilee Oduber
Na su sobrino stima: Kevinson Franken
Como subrino: Shawndrick Oduber

Wela: Iginia Hsing-Dijkhoff

Tanta y omonan:
Guillerminda (Minda) Thiel-Caster & Mathias Thiel
Maximo (Macky) Caster y Aseneth Monroy
Felix (Felis) Caster y Adela Caster-Croze
Olga Koolman-Caster & Timoteo (Timo) Koolman
Marcelino (Cholin) Caster & Mercedes Rojas
□Nicasia de Cuba-Caster
□Telepito (Pito) Caster & Maria Caster-Ras
Edwin Hsing & Myrilla Hsing-Raven
Mary Hsing
Marjorie Wever-Hsing & Glenn Wever
Miriam Kelly-Hsing & Caryll Kelly

Madrina: Adela Caster-Croze
Padrino: Edwin Hsing

Prima y primoran:
Gabi, Mayra, Cesar, Jaqueline, Mildred, Jamira, Maria, Frances, Maiky, Mireya, Vanessa, Melisa, Geraldine, Mingo, Lilia, Erick, Encho, Audry, Jahaira, Rachell, Jenny, Jo-anne, Dyan, Lisa, Illiene, Marisella, Lisandro, Vale, Robert, Ton, Caroline, Chieh Chen, Graig, Edwin Marc, John Albert & Mallory.

Amistadnan di cas: Lilia Luidens, Jeanny Geerman, Eric Ras, Mildred Maduro, Jamill Maduro, Sonina Sint Jago, Linda Rodriguez-Mackintosh, Gala y famia, Randy y famia & Monica.

Demas Famia: Hsing, Caster, Fawcett, Oduber, Franken, Dijkhoff, Thiel, Koolman, Monroy, Croze, Rojas, Ras, de Cuba, Vis, Geerman, Lake, Wever, Klooster, Kichner, Isidora, Loefstok, Croes, Pelayo, Raven, Wever, Kelly, Wernet, Boekhoudt, Lopes, Fingal, Figaroa, Abbott, Peñate, Kock, Werleman, Gomes, Acosta, Flanegin, & bisiñanan.

Amistad y coleganan di RBC y ex coleganan di Flexo, Elmar & A.Z.V., ex compaíeronan di UNA (Universidad di Corsow), orguyosamente donor na Bloedbank Aruba, ex miembro di Toastmaster Jamanota, ex miembro di Estrella LIFIDA & ex miembro di H.O.T.

Nos disculpa si den nos tristesa nos por a lubida algun familiar of conoci.

Ta aprecia si por compania nos cu e color Blue Navy (Blauw Marino) como color pa despidi di nos Ferdi stima.

Acto di entiero lo tuma lugar diaberna, 23 maart 2019 pa 4:00 pm na Misa Imaculada Conception Santa Cruz.
Ta sali for di Aurora pa 9:00am, pa RBC Main Branch Sasaki y despues lo ta resposa na Jamanota 5 y ta sali 1:30pm pa Misa Imaculada Conception na Santa Cruz.

Acto di condolencia lo tuma lugar diaberna, 22 maart pa 7:00-9:00 pm na Aurora.

Lo fin un box disponibel pa donacion na Ambiente Nobo na Aurora y na misa.



Salmo 125:1-2

*Esnan ku ta konta ku Señor ta manera Seru di Sion
Nunka nan no ta tambalia
Nan ta firme sintia pa semper.
Manera e serunan rondo di Herusalem
Señor ta rondona su pueblo
For di awor te den tur eternidad!*

Cu hopi tristesa y cu inmenso dolor den nos curason pero conforme cu Dios su boluntad, nos ta anuncia fayecimento di



Dominico Marcelino Jacobs Falconi

Mihor conoci como Domi & Dochi

Sunrise: 26-04-1938 ~ Sunset: 15-03-2019

Na nomber di su mayornan:
† Jacinto & Juanita Jacobs-Falconi

Casa:
Angela Mercedes Jacobs Hormaza

Yuinan:
Sharon Jacobs
Isa Yaneth & †Damiano Adolfo Franken
Cefora Pineda
Sandra Pineda

Nieto y Nieta nan:
Alejandro Cantillo
Ross & Gislainne Franken
Cindy & Chris Lacle
Natalia Pineda
† Seth Paul Gabriel de Wever

Bisanieto & Bisanieta nan:
Damiano Ethanneal Johannes Franken
Lya Christina Isa Lacle
Zack Damiano Franken
Ellen Olinda Camila Lacle
Arya Azalea Anova Franken
Christian Joseph Maurice Lacle
Zahuya Zarina Isa Franken

Ruman:
† Ana Maria Jacobs

Un danki special pa tur e atencion pa cu nos kerido:
Ivan Rene Peña Muñoz
Pastor Rigo Morel & Famia
Iglesia Sion

Primo y Prima nan, Omo y Tanta nan
Y demas famia:
Jacobs, Falconi, Trimon, Dijkhoff, Tromp, Brokke, Henriquez, Heronimo, Britten, Oduber, Kelly, Hormaza, Trullo, Franken, Faarup, Lacle, Pineda, de Wever, Hernandez, Cantillo

Oportunidad pan condolencia Diahuebs 21-03-2019 na Aurora Funeral Home di 7pm pa 9pm

Ta invita tur famia y amigo nan pa acto di entiero diaberna 22-03-2019 na Aurora Funeral Home di 9am pa 11am y despues saliendo pa Santana Central Sabana Basora

Nos disculpa si nos por a lubida un of otro persona den nos momento di dolor.



Señor ta mi wardador, mi n tin falta di nada
Den cunucu di yerba berde e ta ponemi sosega.

E ta hibami na awa trankil,
Pa mi bolbe haña a forsa.

Salmo: 23

Cu honda pena pero conforme cu boluntad di dios

Nos ta anuncia fayecimiento tragicod di nos mama, suegra, wela, bisawela stima:



Ana Bartola Gavidia-Quandus

Mihor conoci como □Ana□

*11-08-1936 - □18-03-2019

Na nomber di su :

Esposo: □Celestino Quandus

Yiunan:
Robert(Robby) Quandus y Angelina y yiunan Ronald (Roche) Quandus y Ciria y yiunan Richard y Selma Roland (Roy) Orlando y Mercedes Quandus □Koolman

Tur su nieto y nietanan, bisanieto y bisanietañan

Rumanan: □Cletanao Farro y Fam
□Maria Tromp-Gavidia y Fam
□Elba Kohler-Gavidia y Fam
□Antonio Gavidia y Fam
Venancio Gavidia Jacobo Gavidia y Fam

Tur sobrino y subrinanan, Primo y Primanan, Tanta y Omonan, Ihanan.

Swanan: Edita Quandus y yiunan Pascual Quandus y yiunan Juliana Quandus y yiu Thomas y esposa Regina Quandus-Lopez y yiunan Paulita Quandus y yiunan Jerry Neville Chai y yiunan

Demas familia: Gavidia, Quandus, Nijmeijer, Lozada Marlin, Koolman, Tromp, Kohler na Pto-Rico y USA, Gavidia na Caracas, Christiaans, Maduro, Kelly, Pieterz, Duncan, Ridderstap, Lewis, Martes Yrausquin, Sanches, Lopez, Zievinger, Williams, Feliciano, Colina (Olga Vasquez) y Fam

Famianan na Corsow: Tromp, Wu/Ng, Botman, Goila, Quandus.

Ta inivita tur famia y conocer, amigo, bisianan, pa e acto di entiero cu lo tuma lugar diaberna 22 di Maart 2019 pa 4:00 pm di atardi den misa Santa Anna na Noord, despues saliendo pa Santana Catolico na Noord. E resto mortal di Ana lo reposa for di 1:30 pm den misa.

Nos kier a pidi nos disculpa si por a lubida un of otro famia den nos tristesa.

Despues di entiero nos no por ricibi bishita na cas.



Paardenbaastraat 10, Oranjestad, Aruba Tel.: (297) 525 - 7555

www.lottoaruba.com

Resultado di Sorteo 21 Mar 2019 Anochi

| |
|----------------|
| CATACHI |
| Sorteo # 6737 |
| 0003 |
| 4719 |
| 8164 |
| BIG 4 |
| Sorteo # 5781 |
| 3933 |
| 1OFF |
| Sorteo # 486 |
| 5655 |
| ZODIAC |
| Sorteo # 5440 |
| 4291 |
| Aries |
| KORSOU |
| Sorteo # 2357 |
| 0089 |
| 9175 |
| 0985 |

| | | |
|----------------|------------------|--------|
| LOTTO 5 | Joker | Letter |
| 0x Jackpot | | |
| 0x Match 4+ | | |
| 0x Match 4 | | |
| 0x Afl. 12,00 | | |
| | 370.000,- | |

| | |
|------------------|------------------------|
| LOTTO DIA | 02-11-18-24-25 |
| Sorteo # 4712 | Proximo Jackpot |
| 0x Jackpot | |
| 6x Match 4 | |
| 150x Afl. 8,00 | |
| | 63.000,- |

| | |
|------------------|------------------|
| MINI MEGA | Mega Ball |
| Sorteo # | |
| 0x Jackpot | |
| 0x match 4 | |
| 0x Afl. 500,00 | |
| 0x Afl 50,00 | |
| 0x Afl.15,00 | |
| | 625.000,- |

| | |
|------------------|-----------------------|
| MINI MEGA | Afl. 850.000,- |
|------------------|-----------------------|


DIARIO
9106-1256-3546
SUPER 4
6757
FLAMINGO
5875-2349-3459


Paardenbaastraat 10, Oranjestad, Aruba Tel.: (297) 525 - 7555

www.lottoaruba.com

Resultado di Sorteo 21 Mar 2019 Merdia

| |
|----------------|
| CATACHI |
| Sorteo # 2510 |
| 8608 |
| 6546 |
| 9599 |
| BIG 4 |
| Sorteo # 2510 |
| 3347 |
| 1OFF |
| Sorteo # 566 |
| 2547 |
| ZODIAC |
| Sorteo # 2510 |
| 5297 |
| Gemini |

| | | |
|----------------|------------------|--------|
| LOTTO 5 | Joker | Letter |
| 0x Jackpot | | |
| 0x Match 4+ | | |
| 0x Match 4 | | |
| 0x Afl. 12,00 | | |
| | 370.000,- | |

| | |
|------------------|------------------------|
| LOTTO DIA | Proximo Jackpot |
| Sorteo # | |
| 0x Jackpot | |
| 0x Match 4 | |
| 0x Afl. 8,00 | |
| | 62.000,- |

| | |
|------------------|------------------|
| MINI MEGA | Mega Ball |
| Sorteo # | |
| 0x Jackpot | |
| 0x match 4 | |
| 0x Afl. 500,00 | |
| 0x Afl 50,00 | |
| 0x Afl.15,00 | |
| | 625.000,- |


Afl. 850.000,-

Aries

Tauro

Geminis

Cancer

Leo

Virgo

Libra

Scorpio

Sagittario

Capricornio

Aquario

Pisces

Luna ta den bo elemento activo di e parti entusiasma y aventurero di bo bida. Durante e dia di awe hopi cos cu bo a soña lo materialisa. Lo aproxima momentonan importante. Number: 19, 21, 32 46.

Lo bay tin un eclipse di luna. Bo experiencia y intuicion lo indicado loke bo mester haci. Sea prudente na ora di expresa bo opinion y sentimentonan y evita papia di mas. Number: 18, 20, 22 36.

Cuida e detayenan di e dia aki. Kendenan stima bo lo sa di aprecia esakinan. Hopi bi-aha ta e cosnan chikito ta haci cu amor ta florece y ta mantene e entusiasmo. Number: 16, 24, 36 44.

Eclipse di luna ta duna bida na oportunidadnan nobo. Luna ta den transito door di e elemento di candela, precisamente e weekend aki cu ta inspira bo. Number: 4, 17, 25 35.

No solamente mester sa con pa papia. Ta hopi importante scucha. E ciclo cu a cuminsa cu e eclipse di luna por causa un exceso di entusiasmo y haci bo mira amor caminda e no t'ey mas. Number: 16, 22, 34 45.

E eclipse di luna den bo bida, lo habri un caminda diferente yena cu amor. Ora cu aclaria e puntonan cu ta haci bo inkieto, bo lo bo mira con bo bida sentimental lo cana. Number: 7, 18, 23 35.

E eclipse di luna ta loke bo tabata spera y lo materialisa pronto. E di dos eclipse di luna di e año aki lo trece y tur cos cu ta pone bo pensa, reflexiona y actua. Lo bo haya un sorpresa. Number: 18, 23, 27 31.

Bo horizonte sentimental lo enrikece. Bibo fantasía, pero cu persuasion pa no complica bo bida e ciclo aki. Awo bo horizonte nan sentimental lo enrikece. Number: 19, 23, 30 41.

Un ilusion di pasado lo renace. E energía di luna den bo sino lo yuda descubri interesnan. E aspecto feliz aki lo contribui pa bo sinti bo mes cu mas sigur na momento di tuma cualquier decision. Number: 2, 11, 22 35.

Tuma iniciativa y no sigui warda. Pone bo creatividad y imaginacion funciona pa haci algo diferente awe noch. Sigui bo impulsinan intuitivo, pero cu bo sentido comun. Number: 10, 24, 37 40.

Lo bo bay tin un espacio di tempo pa biba. Ta ora di scucha y no di yega na conclusiōn sin scucha splicacion. Controla bo mes prome cu husga, atende cu e persona ey. Number: 19, 23, 45 54.

Lo bo wordo inspira pa haci algo nobo den bo bida intimo. Cu e cosmic procedente di e eclipse luga, lo bo sinti bo mes inspira cu diferente cos den bo bida. Number: 3, 11, 22 31.



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Hende Muhe den dificultad
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan
Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Ned Rode Kruis

Perdo Gallegostraat 14
Aruba
297-588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

A1 Taxi Services Aruba

Italietaat 50 lokaal 7
Tel: 587-8850
Tel: 280-2828

Whatsapp: 592-7024
E-mail: a1taxiservices.aruba@hotmail.com

Mobility Equipment Hire

Tel: 568 5165



Dokter na warda

Oranjestad

Hospital
7:00 pm / 10:00 pm

San Nicolas

IMSAN
24 ora

Botica na warda

Oranjestad:

Dakota
Tel. 588 7364

San Nicolas:

Aloe
Tel. 584 4606

SERVICIO DI TAXI

Aruba Transfer Tour & Taxi C.A.

Pos Abao #41
P.O.Box 723 Aruba
Tel: 582-2116 / 582-2010

Fax: 583-6988
Taxi Adres Service (24h)
L.G. Smith Blvd. #234
Oranjestad Aruba
Tel: 587-5900
Fax: 587-1928
E-Mail: tas@setarnet.aw



Schedule march 2019

| | | | ARR | DEPT | BERTH |
|-----|----|---|-------------------------|-------------------------|-------------|
| TUE | 19 | CELEBRITY SILHOUETTE | 10.00 | 23.59 | C |
| WED | 20 | MONARCH FREEDOM OF THE SEAS ROTTERDAM | 06.30 07.00 07.00 | 15.30 23.00 16.00 | B C I |
| THU | 21 | NAVIGATOR OF THE SEAS | 08.00 | 18.00 | C |
| FRI | 22 | PRINSENDAM | 08.00 | 17.00 | C |
| SAT | 23 | WIND STAR AIDAperla ZUIDERDAM | 07.00 08.00 13.00 | 18.00 18.00 23.00 | B C I |
| SUN | 24 | KONINGSDAM | 07.00 | 17.00 | C |
| MON | 25 | CLUB MED 2 | 08.00 | 17.00 | C |

EMERGENCIA

911

POLIS

| | |
|--------------------|----------|
| Oranjestad | 100 |
| San Nicolas | 104 |
| Santa Cruz | 105 |
| Noord | 107 |
| Tip Line | 11141 |
| Brandweer | 115 |
| Ambulance | 911 |
| Hospital | 527-4000 |
| Imsan | 524-8833 |
| Warda Costa | 913 |
| Seguridad Nacional | 11911 |
| Cruz Cora | 582-2219 |

| | |
|-------------------|----------|
| Aloe | 584-4606 |
| 4 Centro Medico | 584-5794 |
| Central | 585-1965 |
| Dakota | 588-7364 |
| Del Pueblo | 582-1253 |
| Eagle | 587-9011 |
| Kibrahacha | 583-4908 |
| Maria | 585-8145 |
| Di Servicio Noord | 586-4606 |
| Oduber | 582-1780 |
| Paradera | 588-6638 |
| San Lucas | 584-5119 |
| San Nicolas | 584-5712 |
| Santa Anna | 586-8181 |
| Santa Cruz | 585-8028 |
| Sero Preto | 584-4833 |
| Trupial | 583-8560 |

UTILIDAD

| | |
|-------|----------|
| Setar | 117 |
| Web | 525-4600 |
| Elmar | 523-7147 |

FUNERARIA

| | |
|------------------|----------|
| Aurora | 588-6699 |
| Ad Patres | 584-2299 |
| Olive Tree | 584-8888 |
| Royal Funeral H. | 586-4444 |

Centrale Bank van Aruba

Daily Exchange Rates - 03/21/2019


CENTRALE BANK VAN ARUBA

| Currency ¹ | Buying from Public ² | Buying from Public ³ | Selling to Public |
|-----------------------|---------------------------------|---------------------------------|-------------------|
| ANG | 98.00 | 100.00 | 100.20 |
| ANG ⁴ | - | - | 100.00 |
| USD | 1.77 | 1.78 | 1.80 |
| CAD | 1.32 | 1.34 | 1.36 |
| CHF | 179.08 | 179.80 | 180.60 |
| GBP | 2.27 | 2.32 | 2.38 |
| JPY | 159.78 | 161.24 | 162.86 |
| EUR | 201.19 | 203.03 | 205.07 |
| DKK | 26.22 | 26.94 | 27.74 |
| NOK | 20.12 | 20.84 | 21.64 |
| SEK | 18.45 | 19.17 | 19.97 |

For amounts up to Afl. 100,000

**Tempo:**

Parcialmente nubia y generalmente seco.

Temperatura maximo 31 grado Celsius temperatura minimo 26 grado Celsius. Bahada di solo : 6:51pm

Pronostico di Tempo

subida di solo : 6:43am.

Biento:

Modera te basta fuerte for di generalmente direccio oost; forsa 4 te 5 (20 te 39 km/ora, 11 te 21 nudo) den dia fuerte te posiblemente duro den rafaga; forsa 6 te 7 (40 to 61 km/hr, 22 to 33 nudo).

Situacion general di tempo:

Den proximo 24 ora, lo no

bay tin cambionan significante den tempo y clima generalmente seco lo prevalece. Stof fini suspende den aire lo obstaculisa visibilidad un poco durante proximo dia of dos.

Condicion di lama:

Olanan di lama lo ta for di direccio oost cu haltura di 3 te localmente 5 pia. Ta pidi ocupantenan di boto chikito pa tene cautela riba lama habri.

Ceramento di caminda en conexion cu asfaltamento

ORANJESTAD - Departamento di Obra Publico ta informa pueblo di Aruba en general y specialmente nos automobilistanan cu ta haci uzo di e caminda di Sabana Blanco y Avenida Milo Croes cu lo bay cer'e parcialmente pa asfalta e caminda. Trabounan preparativo lo cuminsa diamars 26 di maart 2019 y lo asfalta e caminda diahuebs 28 di maart 2019.

E caminda cu lo asfalta ta, Sabana Blanco 12 pa Avenida Milo Croes 95.

Ruta alternativa lo keda indica cu baricadanan y borchinan di aviso y e orario di ceramento lo ta di 7'or di anochi pa 3'or di mainta.

En conexion cu e trabounan menciona Departamento di Obra Publico ta pidi pa tene cuenta cu e inconvenencia cu lo por surgi pa cual nos ta pidi nos disculpa.



Colegio EPI ta tene un anochi di informacion

ORANJESTAD - Colegio EPI ta organisa su anochi di informacion caminda lo duna informacion valioso na tur studiante di scolnan secundario cu ta interesa di sigui cu nan estudio na Colegio EPI. E anochi di informacion lo tuma luga awe diabierna 22 di maart di 5.00pm – 8.00pm den e auditorium di Colegio EPI cu ta accesibel via gate 9 y gate 10.

Meta principal di e anochi aki ta pa informa studiantenan di scolnan secundario tocante e diferente opleidingsnan cu tin na Colegio EPI y kico ta e rekisitonan di admision. Ta importante pa tene na cuenta cu aceptacion na un di opleidingsnan di EPI, e studiante mester cumpli cu e profiel cu e opleiding ta exigi.

Colegio EPI ta encurasha mayornan tambe pa bin cu nan yiunan pa asina duna guia y sosten den nan decision pa scoge un estudio.

Studiantenan cu gradua na Colegio EPI ta bira profe-



sionalnan ariba nivel intermedio (MBO).

E studiante por scoge pa bay traha of pa sigui studia riba nivel HBO.

Durante e anochi di informacion lo bay tin oportunidad pa papia cu studiantenan actual di Colegio EPI como tambe docentenan y e decantan di e 4 unidadnan.

Pa e studiante cu ainda no

ta sigur den cua ramo e kier sigui studia den futuro, ta curasha nan pa pasa bishita tur e boothnan presente pa asina e por haya informacion di e diferente estudionan brinda na Colegio EPI.

Pa informacion general di Colegio EPI y tambe pa mapa di e campus por bishita Colegio EPI su website: www.epiaruba.com

500 Caribbean Cinemas.
Años, Years, Années.

MARCH 21-27

LUPITA NYONG’O | WINSTON DUKE

Q/S
MON-THU 5:20 | 7:50 | 9:35
FRI 5:20 | 7:50 | 9:35 | 10:20
SAT 2:50 | 5:20 | 7:50 | 9:35 | 10:20
SUN 2:50 | 5:20 | 7:50 | 9:35

CXC
MON-THU 3:45 | 6:10 | 8:40
FRI 3:45 | 4:10 | 8:40 | 11:10
SAT 1:15 | 3:45 | 6:10 | 8:40 | 11:10
SUN 1:15 | 3:45 | 6:10 | 8:40

CARIBBEAN CINEMAS VIP
MON-THU 4:35 | 7:05 | 9:35
FRI 4:35 | 7:05 | 9:35 | 12:05
SAT 2:05 | 4:35 | 7:05 | 9:35 | 12:05
SUN 2:05 | 4:35 | 7:05 | 9:35

AML AMEEN | FRASER JAMES

YARDIE
MON-THU & SUN 9:15
FRI-SAT 9:15 | 11:30

HALEY LU RICHARDSON | COLE SPROUSE

FIVE FEET APART
MON-FRI 4:15 | 6:45
SAT-SUN 1:45 | 4:15 | 6:45

BRIANNA DENSKI | JENNIFER GARNER

WONDER PARK
MON-FRI 3:45 | 5:40 | 7:35
SAT-SUN 1:50 | 3:45 | 5:40 | 7:35

BRIE LARSON | SAMUEL L. JACKSON

CAPTAIN MARVEL
WITH SPANISH SUBTITLES
MON-THU 4:45 | 7:25
FRI 4:45 | 7:25 | 10:10
SAT 2:05 | 4:45 | 7:25 | 10:10
SUN 2:05 | 4:45 | 7:25

CARIBBEAN CINEMAS VIP
MON-FRI 3:50 | 6:30 | 9:15
SAT-SUN 1:10 | 3:50 | 6:30 | 9:15

TYLER PERRY | CASSI DAVIS

A MADEA FAMILY FUNERAL
MON-FRI 4:35 | 7:00
SAT-SUN 2:05 | 4:35 | 7:00

VERA FARMIGA | MACHINE GUN KELLY

CAPTIVE STATE
MON-THU & SUN 9:30
FRI-SAT 9:30 | 11:50

OPENING SOON!
CARIBBEAN CINEMAS VIP AT PASEO HERENCIA

SIX STADIUM SEATING AUDITORIUMS
LASER PROJECTION AND 7.1 DOLBY SURROUND SOUND

ONLINE TICKETING AND RESERVED SEATING
LOUNGE AREA, ENHANCED MENU AND SERVICE TO YOUR SEAT

OPENING MARCH 28: DUMBO, LOS DOMIRRIQUEÑOS 2 DRAGGED ACROSS CONCRETE, HOTEL MUMBAI

THE MAGIC OF THE MOVIES ON YOUR MOBILE DEVICE

Download on the App Store GET IT ON Google Play

YouTuber acusa di abuso di mucha

MARICOPA, Ariz. (AP) — Un muhe cu tabata opera un canal popular di YouTube involucrando mucha, ta enfrenta acusacion cu el a uza pepper spray pa disciplina su shete yiu adoptivo, y a cera nan den un cashi pa dianan largo na nan cas na Phoenix, autoridadnan a bisa diaranson.

E muchanan di Machelle Hobson no tabatin awa, cuminda ni acceso na un baño ora nan tabata secuestra den un cashi, segun reporte di polis.

Oficialnan cu a presenta na e cas diaranson pasa a reporta cu e muchanan tabata muestra mal nutri y flaco. Departamento di Siguridad Infantil di Arizona a kita e shete mucha for di e cas e siguiente dia, y Hobson y dos di su yiu adulto a wordo arresta diaberna.

Oficialnan di seguridad infantil no a contesta pregunta tocante contact of keho pre-

vio relaciona na Hobson, citando ley di confidencialidad.

Hobson tin cuater yiu biologico, kende ta adulto, y shete yiu adoptivo. Autoridadnan no a identifica e genero di e muchanan mas jong, pero vocero di departamento di polis di Maricopa, Ricardo Alvarado, a bisa nan edad ta entre 3 pa 15 año.

Un di e yiunan muhe adulto di Hobson a papia cu polis un siman pasa tocante acusacion cu su ruman muhe a wordo abusa, pa cual motibo autoridadnan a haci un chekeo na e cas.

E reporte policial ta bisa cu e muchanan a describi wordo disciplina si nan no haci un bon presentacion pa e canal, cual su 36 video a wordo mira miyones di baha. E canal tambe tin cuentanan relaciona di Instagram y Facebook. Diaranson, YouTube a elimina e canal, cu un mensahe bisando cu e canal a viola e guiana di comunidad di

YouTube. E videonan tabata mostra skit simple, manera muchanan hortando buscuchi of un mucha homber chikito cu super poder.

Voceronan di Instagram y Facebook no a duna comentario tocante e cuentanan, cu ainda tabata muestra activo.


Polis a bisa e muchanan a wordo saca di scol pa nan sigui filma e videonan, y no a bay scol pa añanan, segun recordnan di corte.

Durante un buskeda den e cas, investigadonan a haya dos bleki di pepper spray den camber di Hobson.

Hobson, di 48 año, a bay prizon bou sospecha di dos cargo di abuso sexual di mucha, shete cargo di abuso di mucha, y cinco cargo di secuestro y negligencia di un mucha. E mester bay corte diamars proximo pa un audiencia preliminar.



Tribunan ta bringa pa proteha sitio sagrado contra boramento



ACOMA PUEBLO, N.M. (AP) — Lidernan Nativo Americano ta uniendo pa presiona oficialnan Mericano pa prohibi exploracion pa azeta y gas rond di un sitio sagrado cu ta conta cu structuranan masivo di piedra y otro resto di un civilizacion antiguo, pero cu ta enfrentando e postura pro- boramento di administracion di Trump.

Creando un ‘buffer’ rond Chaco Culture National Historial Park ta un problema andante, pero e tribunan ta luchando pa mas proteccion, mientras oficialnan Mericano ta sigui cu e plan di maneho pa e area rond di e sitio di herencia mundial, como tambe porcionnan grandi nort west di New Mexico y sur di Colorado.

Oficialnan federal repetidamente a nenga lease pa boramento dentro di 16km di e park, mientras tribu, ambientalista y arkeologonan a lanta preocupacion tocante e efectonan potencial riba sitionan culturalmente significante, manera structuranan ceremonial yama kiva fuera di e limitenan di Chaco.

Segun historiadonan, mil año pasa e sitio tabata un hub economico y ceremonial pa e

hende Pueblo.

Tribunan na New Mexico a reunia ayera na Acoma Pueblo, un comunidad Nativo Americano como 97km west di Albuquerque, entre e reunion mensual di All Pueblo Council of Governors.

Presidente di Nacion Navajo, Jonathan Nez, lider di e reserva mas grandi di Indian Mericano, tambe a presenta, hunto cu oficialnan di New Mexico y dos miembro di e delegacion congresional di e estado.

E tribunan kier lenguage specifico den e plan di maneho federal di e area, cu lo preveni boramento cerca di e park, na luga di protesta cuatro baha pa año ora e industria di energia ta pidi benta di lease di algun parcela.

Administracion di presidente Donald Trump a pusha agresivamente pa habri pas tereno publico pa desaroyo di energia. Tambe a bay contra e deseongan di e tribunan y otronan door di haci dos monumento nacional mas chikito na Utah, cual tabata proteha artefacto tribal y otro tereno sensitivo.

Legislacionan y lidernan trib-

al a bisa durante un audiencia cu e comite congresional e luna aki, cu un revision na 2017 di areanan proteha nacionalmente pa presiden-tenan anterior no a tuma na cuenta e interesnan di e tribu, a pesar cu algun di e terenon- an ta sagrado pa nan.

Senador Martin Heinrich di New Mexico a bisa ayera cu lo introduci legislacion pronto na congreso pa proteha e area rond Chaco Canyon. El a bisa cu no lo confia administracion di Trump pa inclui proteccion den e plan federal pa e area.

Comisionado pa tereno estatal na New Mexico, Stephanie Garcia Richard, a bisa un orden ejecutivo di su oficina ta spera proximo luna, cu lo haci e tereno rond Chaco fuera di limite pa cualquier lease di gas y azeta. Mayoria di e tereno rond di e park ta tribal y federal.

Accesible unicamente mediante caminda di tera, Chaco ta dificil pa yega, y sostene- donan ta bisa cu nan kier proteha e sentido di ta remoto cu ta bin cu haci e baha largo a traves di e sitionan antiguo cu ta permanece.

Historia y cultura cu bon ambiente na Museo Historico Aruba

ORANJESTAD – E actividad organisa na Museo Historico Aruba tabata un di e mas bishita durante e celebracion di nos fecha nacional di 18 di Maart. E tabata un bunita oca-sion pa nos bishitantenan y hendenan local por a disfruta y conoce un poco mas di nos historia y cultura.

Pero e bisha aki e actividad tabatin un dobel propósito. Kiermen no solamente destaca e balor di nos historia

y cultura, sino tambe pa colecta fondo pa mantencion di e mesun museonan cu ta cay bou encargo di Fundacion Museo Arubano (FDA).

Diferente tent situa dilanti di Fort Zoutman tabatin bende diferente productonan, entre nan cuminda crioyo, artesania, cosnan dushi, bolonan, etc. Tambe pa crea ambiente festivo, tabatin diferente grupo di baile, caha di orgel y cantantenan cu a participa den festival di Aruba su himno y bandera.



Reaccion di Hospital riba critica pa cu retiro dr. Jonkhoff

ORANJESTAD – Hospital no ta reconoce ponencianan cu recientemente por a lesa den medionan di comunicacion. Dr. Horacio E. Oduber Hospital tin na prome luga su pashentnan y kier garantisa cu cuido

oncologico na Aruba ta uno sigur y di calidad. Loke si nos di hospital ta boga pe ta pa e tankilidad di nos pashentnan y ta desea pa nan ta bon informa tocante e cuido oncologico na Aruba.

Minister di Salubridad actual a purba interveni y intermedia pa loke ta cuido oncologico na momento cu algun luna pasa ponencianan di e dokter concerni a sali den prensa. Pero ta importante pa menciona cu dr. Jonkhoff

mes a entrega su retiro y conhumente cu hunta di directiva di hospital a yega na e acuerdo pe traha durante e termino restante di su contract. Hospital ningun momento no a para keto despues cu dr. Jonkhoff a entrega su retiro y di bisha a start e proceso di recluta specialistanan capacita pa sigui brinda cuido oncologico. Mester menciona cu apenas 7 año pasa Aruba a conoce su prome specialista den oncologia y prome cu esey internistanan specialisa tabata encarga cu e cuido di pashentnan oncologico na Aruba. Awe ainda por conta cu 10 internista specialista banda di nos oncologonan cu t'ey pa brinda cuido na nos pashentnan.

Hospital no solamente ta trahando duro riba recluta specialista pa loke ta e cuido oncologico, pero tambe diferente otro specialismo nan cu ta haci falta riba nos isla pa asina tur nos pashentnan por ricibi e cuido necesario na e momento necesario.

Ta di lamenta cu un persona prominente den comunidad di Aruba ta sali den publicidad y ta haci uso di sentimetonan di pashentnan oncologico y nan familia sin sa kico Hospital a haci desde cu e specialista a entrega su retiro. Hospital t'ey pa salvaguardia cuido di pashentnan oncologico y tur otro pashent cu mester di cuido.

Pero contrario na loke por a lesa e cuido oncologico ta completamente cubri y tin siguramente continuidad y pues tur pashent por ta tankil. Pronto Hospital lo anuncia e specialistanan den oncologia cu lo bini pa asina reenforsa e team na Poli Oncologie situa na e ya conoci edificio Shocohin.

Hospital ta pidi su disculpa pa informacion incorrecto cu por a lesa y ta spera di por frankilisa comunidad di Aruba y sigura tur pashent cu nos t'ey pa brinda e cuido den oncologia di calidad.



Anuncio di gobierno ta rebiba controversia riba Kill Cage den comunidad



ORANJESTAD – Ayera, sin mucho ceremonia, DVG a anuncia cu e localidad di Servicio Veterinario conoci como ‘kill cage’ lo cera ‘temporalmente pa renobacion y mejoracion di su servicio’. E anuncio sinembargo a lanta un cantidad di reaccion riba rednan social, mirando cu e ‘kill cage’ pa hopi aña ta keda controversial.

Segun DVG, “Den pasado e localidad aki tabata habri pa publico 24 ora pa dia 7 dia pa siman. Esaki pa evita cu ta tira animalnan over di muraya, loke den pasado a sosode. Cu e renobacion aki lo bay construi un dak pa e localidad y tambe lo bay introduci dia y orarionan stipula pa por trece of busca animal.”

E ‘kill cage’ ta keda un problema constante den sociedad Arubano, cu di un banda ta wordo mira como necesario, pero di otro banda como un crueldad. Aña pasa januari, Bon Dia Aruba a publica un articulo unda ciudadanonan tabata conta cu nan a mira maltrato pisa di bestia tumanado luga na e ‘kill cage’.

“Honestamente mi a kere cu nan tabata pone nan drumi cu hangua. No bati y spart nan for di otro?”, un di nan a expresa. Sinembargo, e anuncio di DVG no ta haci mencion algun si lo mehora e trato di e animalnan cu ta termina cerca nan. Actualmente e animalnan ta keda sin awa, sin cuminda y bou solo, ward-

ando na ‘kill cage’ pa wordo mata cruelmente.

Un grupo grandi riba rednan social a expresa dese o pa mantene e ‘kill cage’ cera definitivamente. Riba Facebook, usuario A.L. Vrolijk a comenta: “Kima e luga y traha un bunita cas cu cuido pa nos animalnan no desea.”

Un mensage cu ta resona cerca varios fundacion pa derechonan di bestia, manera Luna Foundation, cu den e dianan aki a ta preparando un ‘safe haven’ pa bestianan di caya por recuperar despues di haya cria of kiebro di salud.

Sinembargo, e problema di abuso di animal na Aruba ta demasiado grandi pa solucionar cu un shelter. E mesun siman aki, varios fundacion local, entre nan Nine Lives Aruba, a haya nan mes confronta cu un cantidad enorme di animal den necesidad urgente di cuidar, cual a cay hopi pisa riba nan.

Nine Lives Aruba e siman aki mester a atende cu 14 pushi (adulto y kitten) den un solo dia. Y asina mes, cu e trabou incansabel di e voluntarionan di fundacion, nan no ta logra maneja e daño enorme y e maltrato contra nos animalnan.

Pasobra e fundacionnan no a causa e problema, ta pueblo a causa e problema. Anualmente, dies mil animal ta wordo mata na ‘kill cage’. Ta cual fundacion lo por tuma

dies mil animal cada año? Principalmente puppy y kitten, cu tin ainda mas di dies año di bida nan dilanti, ta cuanto animal mester biba den shelter na Aruba? Esaki ta un punto cu nos a trata durante un entrevista algun luna atras cu Zoey Conijn di Luna Foundation.

El a splica con e ‘kill cage’ a

nace di un necesidad den comunidad pa deshaci di animal no desea, cual antes nan tabata kima, hoga, y mata di tur forma cruel. Opinion di Zoey, y di hopi otro cu ta traha constantemente cu maltrato animal, ta cu nos comunidad mester bira responsable pa su bestianan prome, y despues por cuminsa eliminar e ‘kill cage’.



Cu of sin ‘kill cage’, e hecho ta keda cu hopi animal na Aruba ta maltrata y abusa di formanan horibel. Ta nos deber como sociedad pa educar nos mesun hendenan pa stimar y proteger nos animalnan inocente.

Actualmente, e fundacionnan local ta preparando pa un campana di sterilizacion. Cri-oyo Trappers ta un grupo cu ta enfoca principalmente riba sterilizacion di bestia riba caya, ya cu e accion aki ta uno cu por crea un impacto mas grandi riba e bestianan riba caya.

Sterilizacion ta nifica reduccion di e poblacion di cacho y pushi riba caya. Durante campana di sterilizacion, varios instancia ta colabora, y cu ayudo di donacion, ta steriliza bestia di caya, y pa un suma chikito, tambe bestia di cas, pa asina reduci e cantidad di bestia no desea, cual despues ta termina na ‘kill cage’.

Pues, pa evita cu den futuro mester hiba un cacho cu su puppies pa nan wordo mata, ta urgi comunidad pa participa den e campana di sterilizacion, y preveni sufrimiento animal.